



Wantok

Namba 1848 Wan Wik Janueri 14 - 20, 2010

Niuspepa Bilong Yumi Ol PNG Stret!

K1 tasol

Kapis ronawe gen



William Nanua Kapis



Greg Wawa



James Pari



John Siko



Kito Aso

Andrew Molen i raitim

NAU taim yu ridim dispela stori, i nogat man i stap insait long "Maximum Security" kalabus, o kalabus bilong ol bikpela raskol long Bomana Haus Kalabus long Mosbi.

"Dispela em bilong wanem olgeta kalabus man long hap i ronawe pinis," Siaman bilong Nesenel Sekyuriti Kaunsil, na Sif Sekreteri bilong Gavman, Manasupe Zurenuoc i tok. 12-pela kalabus man husat i bin stap insait long hap i bin ronawe long Tunde dispela wik long 10 kilok moning.

Namel long ol em William Kapis we ol i holim em bi-hain long ol i painim aut em i stap insait long planti bikpela raskol pasin i kamap insait long kantri.



Oliver Ben



Peter Plesman

William Nanua Kapis	15 yia
Peter John Plesman	14 yia 3 mun
John Siko Wel	13 yia 3 wik na 3 de
Raphael Walimini Yaukwa	Laip Sentens
Greg Wawa	Laip Sentens
James Pari Bomai	Laip Sentens
Duma Korua	24 yia 3mun na 11 de
Ben Norm	Wet kot
Elizah Tinga	Wet Kot
Don Aka	Wet Kot
Kito Aso	Wet Kot
Oliver Benny Gabi	Wet Kot

...Gavman tok i no long taim bai ol i holim em

Sikspela bilong ol i stap kalabus na narapela 6-pela i wetim kot, tasol ol i bikpela raskol olsem na ol tu i stap insait long dispela hap kalabus.

Mista Zurenuoc i tok ol i kisim toksave olsem ol polis na Koreksenal Sevis (CS) i save long wokabout na stap bilong ol dispela lain pinis na i no long taim bai ol i holim ol gen.

"Ol manmeri noken wari na pret tumas, tasol yupela i lukautim yupela yet gut bilong wanem polis, CS na ol arapela lo dipatmen i mekim wok i stap," em i tok.

Ekting polis komisina, Tom Kulunga tu i givim oda long ol NCD polis long yusim olgeta save na samt-

ing ol i gat long painim na holim pasim bek Kapis na ol arapela 11-pela tu.

Em i tok ronawe bilong Kapis i daunim nem bilong polis na ol i mas wok hat long kisim em na ol arapela bek.

Komisina Kulunga i tokim ol pablik long noken tok orait long dispela ol kalabus man long stap wantaim o helpim ol na i mas ripotim ol long polis hariap sapos ol i lukim ol o i save sampela samting long ol.

"Husat i lukautim, haitim o helpim wanpela bilong ol dispela kalabus bai kisim bikpela mekimsave bilong lo," em i tok.

Moa stori long pes 2



Digicel LAKI SIM kad!

Yu gat Digicel SIM kad yu no yusim long sampela taim? Putim long fon bilong yu na sekim balens. Yu bai inap winim wanpela bilong 1000 moa ol fri top-up prais!

Digicel
Bilong, Dhorupela moa Network bilong PNG.

Digicel Tems na Kondisen bai stap. Presim *120# na presim Send long sekim balens.



OCEAN BLUE TUNA

Gitpela abus tru na i no dia tumas!

OX & PALM



Kapis ronawegen

I kam long pes 1

Mista Zurenuoc i tok ol i kamapim tu wanpela komiti long kamapim wok painim aut long dispela ronawe bilong ol kalabus.

"Mipela laik save wanem samting tru i krangki na husat tru i asua na dispela hevi kamap," Mista Zurenuoc i tok.

Long wankain taim, Komisina bilong CS, Richard Sikani bai kamapim wanpela komiti tu long dipatmen bilong em long mekim wok painim aut long dispela hevi.

Em i tokim Kundu 2 nius long Tunde nait dispela wik olsem ol bai sekim ol opisa husat i bin lukautim kalabus long dispela taim.

Dispela em i namba wan taim bilong ol raskol i ronawe long dispela kalabus long indipendens i kam inap nau. Laspela taim bilong wanpela man i ronawe long hap em 1963 we Peter Ivoro, i bin ronawe.

Liklik risos, bikpela wok: Guinness

Bustin Anzu i raitim

POLIS insait long Morobe i bin mekim bikpela wok long daunim hevi bilong Lo na Oda wantaim liklik samting bilong wok.

Bikpela samting em long pasin bilong harim tok na bihainim i bin stap namel long lo yet.

Provinsel Polis Komanda Superintenden Peter Guinness i tok i bin i gat planti hevi insait long provins bilong em tasol ol polis i bin inap long daunim ol dispela samting wantaim liklik samting bilong wok o risos.

"2009 em i wanpela salensing yia bilong mipela polis bilong Morobe. Igat sampela ol bikpela hevi i bin kam tasol mipela i sanap strong na daunim ol hevi na lukautim provins.

"Mipela i nogat planti samting bilong mekim wok tasol bikpela samting em mipela i mekim wok bung wantaim long daunim ol dispela hevi," em i tok.

PPC i mekim dispela tok-tok long wanpela krismas niu yia pati bilong ol long



HARIM TOK: Provinsel Polis Komanda bilong Morobe, Peter Guinness.

Botanik Gaten long Lae long wiken.

Em i tok hevi bilong ol Watut na Biangai long Wau na pait bilong ol Sialum long kago kalt em sampela ol bikpela hevi insait long provins tasol ol i stap na daunim.

"Mipela i nogat inap man-

pawa, kar na ol narapela samting bilong wok tasol mipela inap long stopim ol dispela kain hevi long wanem, mipela i bin harim tok na bihainim. Long dispela, mipela i bin daunim ol dispela bikpela hevi," em i tok.

Em i tok long hevi bilong

Sialum, ol i holim pasim 46 man i go long kot na kot i givim ol mekim save long tupela yia long kalabus na dispela em ol i soim kala bilong polis stret.

Em i tok ol polisman tu i kisim bagarap long dispela hevi tasol ol i no lusim laip na dispela i min olsem ol i ken kisim bagarap tu.

Em i tok long klostu long pinis bilong mun, i gat bikpela namba bilong ol kalabus man tu i ronowe na dispela i bungim ol polisman na ol narapela lain bilong lo na oda i kam insait long wok bung wantaim long painim aut ol dispela ol lain husat i ronowe long haus kalabus.

Em i tok amamas long ol Mobail Skwat na ol woda (CS) insait long provins long

givim han long daunim ol dispela ol hevi.

Long dispela bung, em ol polis bilong PPC komand, ol woda bilong Buimo na Mobile Skwat 13 na 15, wantaim ol famili bilong ol i kam bung, we PPC i bin tok amamas long wok bilong ol long las yia.

Em i tok wankain pasin na wok bung wantaim i mas stap long ol yet na kamapim gutpela sindaun long provins na antap long dispela em long lukautim propeti na laip bilong ol manmeri insait long provins.

Asisten Polis Komanda bilong Momase Giossi Labi, husat i bin stap long dispela bung i tok amamas i go long ol meri bilong ol polisman insait long Momase rijen long mekim gutpela wok long lukautim ol man bilong ol long wok.

"Ol i bin givim gutpela sapot long ol polisman na ol i mekim gutpela wok long las yia. Na wankain sapot em bai ol i givim gen long dispela yia na i amamas long bikpela wok ol i bin mekim," em i tok.

Operesen sevim kalsa na tumbuna pasin bilong ol Katerets pipel

MANIMAK olsem K129, 000 bai go long wanpela projek bilong sevim ol kalsa na tumbuna pasin bilong ol Katerets Ailan pipel insait long Otonomes Rijan bilong Bogenvil (ARB).

Kalsa na ol tumbuna pasin bilong ol pipel bilong Katerets (Carterets) Ailan long Otonomes Rijan bilong Bogenvil (ARB) bai stap long ol lain i kam bihain long lukim, save na bihainim yet.

Dispela em bikos bai Britis Hai Komisin opis long Pot Mosbi bai wokim dokumenteri long helpim ol ailan pipel bilong Katerets i save na bihainim kalsa bilong ol, maski ol i lusim ples.

Dispela em bikos samting olsem 1,300 pipel bilong Katerets Ailan i stat pinis long lusim ailan bilong ol long wanem bikpela solwara i wok long karim ailan ples bilong ol. Na taim ol i lusim ailan ples bi-

long ol, ol i bihainim ol pasin tumbuna na kalsa bilong ol yet.

"Olsem pipel long olgeta hap bilong wol, ol i save luksave long man, meri na pikinini long kalsa na tumbuna pasin bilong ol na i wankain tu long ol pipel bilong Katerets Ailan. Na taim solwara i wok long kaikaim na karim ailan bilong ol na ol i wok long surukim ol i go sindaun long narapela hap olgeta long bikples Bogenvil, bikpela samting em long rekotim kalsa bi-

long ol na ol lain i kam bihainim bai lukim na bihainim," Britis Hai Komisina, David Dunn i tok.

Solwara i wok long karim Katerets Ailan bikos long ol as olsem i bin gat volkeno aninit long solwara na tu, solwara i wok long go insait long ples na karim bikos klaimet long wol i rekotim na wokim wanpela muvi long ol dispela olsem hap bilong projek long sevim ailan na pipel na kalsa bilong ol pipel.

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE	QTY	SUBTOTAL
PNG Tok Pisin English Dictionary	9780195551129	K38.50		

TOTAL: K	
PLUS FREIGHT: K	
GRAND TOTAL: K	

*Freight costs for new orders:
K5.00 across PNG
K13.00 rest of Pacific
K10.00 elsewhere

- Options for Payment
- (1) Direct deposit into Bank Account (details below)
 - (2) Mail Cheque to World Publishing Company Ltd, PO Box 1940, BIRBORO, NZ
 - (3) Call into the office: OFFICE 22, Seaview St, Alifanua 03, Waigani DC, NCD.

Account Name: World Publishing Company Ltd
Account Number: 100 000 5330
Bank: Bank of South Pacific Ltd
Branch: Commercial Centre
Branch Code: 8951
Swift Code: BOSPPCPM

FAX BACK TO: (675) 325 2579

If you are ordering more than one copy please contact for a quote.
Phone: (675) 325 2580
Fax: (675) 325 2579
Email: world@wantok.com.pg

Name (print): _____ Phone: _____

Address (print): _____

_____ Fax: _____

Email: _____ Signature: _____



BIHAIN TAIM BAI OLSEM WANEM? Wanpela Katerets Ailan famili i pul i go bek long ailan.

Poto: Britis Hai Komisin

OL PNG dokta no lusim wok

4-pela i redi long wok Het Bisop

OL NESENEL dokta long PNG i no inap long pinis long wok nau bikos gavman i stretim pinis wari bilong ol.

Stat yet long las wik, planti sik manmeri na tu, kantri i bin stap long wari bikos ol dokta bilong dispela kantri i tok ol bai pinis long wok sapos gavman i no stretim wari bilong ol.

Olsem na Nesenel Doktas Asosiesen i wok long sindaun wantaim ol bikman long Pesenel Menesmen Sevis Dipatmen na toktok long stretim hevi bilong ol.

Long dispela wik Tunde, ol toktok bilong ol i kam gut na tok i kamap olsem bai ol dokta i no inap lusim wok i go.

Wari bilong ol dokta em long kisim gutpela pe, wok we ol samting long ol dokta na nes i yusim long mekim wok i save sot, na gutpela bilong ol na famili i slip long en na mekim wok.

Long dispela wik Tunde, Pesenel Menesmen Sekreteri, John Kali, na lain bilong em wantaim tu Helt Sekreteri Dokta Clement Malau, i bin sindaun wantaim na wanbel long stretim wari bilong ol dokta na sainim agrimen.

Stat yet long las wik Fonde, taim ol dokta i memba bilong Nesenel Doktas Asosiesen (NDA) i bin makim tude olsem de we ol bai lusim wok na go, Sekreteri Kali i wok long go pas long ol toktok wantaim ol lain i go pas long makim NDA. Na bihain long lukim agrimen, ol dokta i amamas na wanbel long noken risain olsem ol i bin tok pastaim.

Mista Kali i bin amamas long pasin ol dokta i bin mekim long sindaun toktok na stretim ol wari long gutpela rot na luksave.

Em i tok i gutpela long ol narapela grup long kantri i bihainim dispela pasin taim ol i gat wari na hevi na ol samting bai go gut.

Em i tok stat long wari bilong ol dokta i kamap, dipatmen bilong em, Helt Dipatmen, na DPM i kamapim gutpela wok pren we ol bai bihainim long ol narapela toktok sapos wari na hevi i kamap gen.

Ol dokta bai kisim moa pe bihainim nupela klasifikesen ol i kisim i go bek long Januari 1, 2007 olgeta.

Na i luk olsem dispela bekdet bai stat long potnait dispela wik.

Ileksen bilong makim nupela Luteran Het Bisop kamap tude

Michael Novingu i raitim

EVANJELIKAL Luteran Sios long Papua Niugini (ELC-PNG) bai makim nupela het bisop bilong en tude long 2 kilok apinun.

I gat foapela bikman bilong sios i redi long kisim dispela wok.

Bosman bilong nominesen komiti bilong ELC-PNG, Wilson Waesa, i tok ol i kisim pinis nem bilong foapela man long wok Het Bisop, tripela bilong wok Asisten Bisop, na tupela bilong wok Sios Sekreteri.

Long wok Het Bisop, foapela kendidet em:

- Revren Kasek Kautil bilong Karkar Distrik;
- Revren Munuc Zirazukic Kemun bilong Kote Distrik;
- Revren Tom Sine bilong Simbu Distrik; na
- Revren Giegere Wenge bilong Boana Distrik.

Long wok Asisten Het Bisop tripela kendidet em:

- Revren Sommy Setu bilong Papua Distrik;
- Revren Peter Wamp bilong Ji-

waka Distrik; na
● Ekting Het Bisop yet em Revren Zau Rapa.

Long wok Sios Sekreteri, tupela kendidet em:

- Albert Tukawe bilong Kainantu Distrik; na
- Isaac Theo, husat i holim dispela wok nau.

Eleksen bilong olgeta ol dispela posisen insait long ELC-PNG bai kamap tude (Fonde) long 2 kilok apinun.

Dei bungim hevi bilong bikpela ren



TAITWARA: Taim mak bilong wara i go antap, ol manmeri i kisim wanem samting long haus na ronawe lusim i go stap wantaim ol arapela lain klostu.

Pius Mon i raitim

MOA long 2,000 famili i lusim ol haus na gaden kopi na kaikai bihain long bikpela ren i bagarapim.

Bikpela ren i bin pundaun long 11 kilok long nait long Tunde.

Taim i laik painim 2 kilok moning, hevi i kamap taim ol wara Polie, Gumanch na Ulgimi i tait na abrusim mak bilong ol.

Pasto Timothy Gemeng, bilong PNG Kristen Sios, i tok planti ol hauslain i kirap nogut taim ol i kirap na harim pairap bilong wara i ron i go insait long haus bilong ol.

Em i tok planti famili i holim tasol ol samting bilong ol na ronawe lusim haus. Ol i go stap wantaim ol hauslain

klostu taim wara mak i go antap yet.

Em i tok ol hauslain i bungim hevi bilong bikpela ren em ol Kombla, Kulka, Eltis na Minimbis hsuat i stap sindaun long Dotiwara eria insait long Dei distrik.

Bikpela pret nau i stap olsem ol kain kain sik bilong wara bai bruk taim wara i go bek daun, long wanem olgeta haus na gaden kaikai i stap aninit long wara na pipia tu i pulap long ol.




Ol provinsel disasta opisa bai pinisim wanpela ripot long dispela hevi na salim i go long Nesenel Disasta Senta long kisim helpim.


Bikpela ren nau i wok pundaun long olgeta hap long Westen Hailans provins.



KING TONY

Professional Tools



BISHOP BROTHERS NATIONWIDE

everything for industry...

Edukesen long Bogenvil i wok long kamap isi

Veronica Hatutasi i raitim

EDUKESAN em i ki long Bogenvil i kamap orait bek gen na developmen i kamap, wanpela sekonderi skul tisa long Bogenvil i tok.

Margaret Misso husat i wok nau long Bogenvil long 9-pela yia olsem sekonderi na hai skul tisa long Bisop Wade Sekonderi skul, Tarlena, long Buka, Asitavi Hai skul na Buin Sekonderi skul long dispela yia i tok.

Misis Misso i bilong Fiji tasol em i ful-taim PNG meri bikos em i marit long man Manus na i gat famili long hia. Man bilong em i dai pinis, tasol Misis Misso i pas long PNG na nau, em i laikim stret stap, wok na kain sindaun long Bogenvil.

Bipo em i go long Bogenvil, Misis Misso i bin wok wantaim nesebel Edukesen Dipatmen na Komyuniti Developmen long Mosbi long planti yia.

"Bogenvil i wok long isi kamap gut long edukesen na mi bilip olsem em bai kamap long wankain level long sampela yia i kam. Tru, em bin pundaun i go daun long bikpela mak long akademik sait bikos long Bogenvil hevi. Tasol raim stap long ailan i wok long orait, sampela samting gen i wok long stopim gutpela go het long ol pikinini i kisim skul. Em

long sot long ol metiriel ol tisa na sumatin i yusim long ol skul wok bilong ol. Mi lukim olsem ol sumatin i gat bikpela laik long skruim laining bilong ol," Misis Misso i tok.

Em i tok tu olsem taim ol skul long Bogenvil i bin op bek bihain long bikpela pait long 1995 samting, planti i go long skul em ol bikpela sumatin tasol nau, ol pikinini krimas bilong ol i orait olsem ol narapela pikinini long ol skul insait long PNG i skul i stap. Mi amamas tu long lukim gutpela sapot bilong ol papamama long skul," Misis Misso i tok.

"Sit long ol metiriels bilong ol tisa long yusim na tu, long ol sumatin em ol bikpela hevi. Narapela samting em sot lon g ol skul tisa. Wanpela piksa mi ken tokaut long en em Asitavi hai skul i gat 300 skul pikinini na 10-pela tisa tasol," Misis Misso i tok.

Em i tok tu olsem planti papamama i laikim bai ol pikinini bilong ol i mekim gut. Na olsem, ol i givim gutpela sapot i go long ol.

"Mi amamas tru long wok na stap long Bogenvil. Mi amamas moa yet long lukim ol pikinini i wok long isi kamap long hevi na bagarap we pait i bin kamapim na mekim gut long akademik sait," Misis Misso i tok.



GAT BILIP LONG BOGENVIL: Margaret Misso long rait wantaim Cecilia Mokuma, bipo tisa na nau bisnismeri long Buka. Foto: Veronica Hatutasi

Papagraun laik kisim bek graun

Michael Novingu i raitim

OL PAPA papa graun bilong Dregerhafen Teknikel Sekendri Skul long Finchafen Morobe Provins i laik kisim bek graun bilong ol, sapos gavman i no laik helpim ol long stretim skul long sait bilong skul long 2010.

Siaman bilong skul na

papagraun Se Jerry Nalau i tok, "sapos gavman i no laik helpim skul, mobeta kisim bek skul bilong yu, mi bai kisim bek graun bilong mi."

Se Jerry i tok ol Helt Inspekta i pasim skul long wanem skul i no moa gutpela, long wanem ol haus skul i bruk, nogat ol samting bilong tisa long skulim

ol sumatin, na ol arapela samting long skul i bagarap long ol sumatin, tisa i stap long en.

Em i tok skul i stretim ol pepa wok long kisim mani olsem K 1.89 long bungim mani long 2008, we tok orait i kam pinis tasol mipela i no kisim dispela mani yet.

Se Jerry i askim, "mani i

stap we nau, mipela i laikim moni long stretim skul bipo long skul i stat long 2010.

"Mi givim gavman 50 krimas sevis long yusim graun bilong mi long givim sevis long ol manmeri bilong Finchafen, sapos gavman i no laik givim helpim, mi bai kisim bek graun bilong mi."

Askim i go long ol Kristen manmeri

Michael Novingu i raitim

ASKIM i go long ol Kristen manmeri bilong Luteran Sios long daunim hevi bilong lo na oda i bagarapim sindaun bilong ol komyuniti.

Polis nogat inap ol wokmanmeri ol samting long lukautim wok bilong Lo na Oda long 6 milian manmeri bilong Papua Niugini.

Bosman bilong polis long Momase Rijen Mista Gossi Labi i tokim ol kristen manmeri bilong Lutharen Sios long 27th ELC -PNG Sinod long wok bung wantaim polis long daunim hevi bilong lo na Oda long Morobe na Papua Niugini.

Mista Labi i tok hevi bilong Lo na Oda i kamap strong long nogat sevis i go long ol manmeri long rurel hap bilong dispela kantri.

Em i tok planti yangpela manmeri i kam long taum long painim wok, taim nogat wok ol i mekim raskol pasin long lukautim sindaun bilong ol.

Edukesen Sistem bilong mipela gutpela i lukim planti drop aut sumatin nogat hop, i kamapim hevi long ol komyuniti. Moa yet em i prais bilong ol samting long stoa i antap tumas i lukim ol manmeri i no nap lukautim sindaun bilong ol Mista Labi i tok.

Mista Labi i tok Wantok Sistem em i bikpela samting i lukim hevi bilong Lo na Oda i kamap strong long ol komyuniti bilong mipela.

"Wok bilong Lo na Oda i no wok bilong polis tasol, nogat. Em i wok bilong mipela olgeta wok bung wantaim long daunim hevi bilong Lo na Oda long kamapim gutpela sindaun long komyuniti.

KAUNIM GUT: Stop Draiva! Dispela toktok o singaut bai olgeta manmeri o pikinini singaut taim ol kalap long bas, tasol ol bos kru long bas sampela taim ol save bel kaskas long ol pasindia taim ol i no baim bas gut, long wanem ol papa bilong bas i laikim ol i man i mas peim bas fe gut.



Arawa holim namba wan woksop long katim ol man

Veronica Hatutasi i raitim

Dispela em i hap bilong famili plening we ol man i ken go insait long em.

Dokta Joe Vilosi i go pas long Helt Outris na autpensens seksen long Buka Haus sik i bin go wantaim tripela dokta long Arawa na holim namba wan rijnel woksop long dispela kain operesen na famili plening i bin givim sampela ripot long dispela i kam long Wantok Nius-

pepa long Buka long dispela wik Mande.

"Dispela em i namba wan kain woksop mipela long Bogenvil i holim na ol helt woklain long olgeta hap bilong Bogenvil i bin stap long en. Mipela i promotim dispela kain woksop long Bogenvil bikos em i liklik operesen na bikpela samting em, mipela i laikim bai ol man i go insait long wok bilong

famili plening.

I kam inap nau, ol meri tasol i save stap insait long famili plening na ol i karim bikpela pen na hevi. Dispela operesen bilong ol man em i liklik operesen tasol skelim wantaim dispela ol meri i save kisim.

"Mipela i lukim olsem i gat bikpela nit o as long promotim dispela kain famili plening long wanem,

wanpela as em long PNG, planti mama i dai taim ol i karim bebi. Na olsem, mipela i laik kamapim gut laip bilong ol mama na ol pikinini.

"Bai mipela i karimaut ol awenes long haus sik, ol helt senta na ol klinik na pipel i ken klia long dispela kain operesen bilong ol man. Taim mipela i karimaut woksop long Arawa, 22 man i bin kisim opere-

sen," Dokta Vilosi i tok.

Yunaitet Nesens Famili na Populesen Asosiesen (UNFPA) wantaim Nesenel Helt Dipatmen i bin ranim dispela program. Na Dokta Geita Lahui wantaim Ravu Kepas na Sista Julia i bin go pas long dispela woksop.

Dokta Vilosi i tok ol bai holim moa woksop long dispela long Bogenvil long dispela yia.

Win your own Laptop Computer & go to school with style with TELIKOM X'cess

Buy a X'cess internet modem or fixed wireless phone

To win one of eight Major Prizes. Laptop computers with WinXP, MSOffice 2007 & Norton Antivirus. BONUS Software Britannica Deluxe Edition 2010 & Young Einstein Maths Activities Plus 8 Gig Flash Drive, Telikom Backpack & K300 free airtime!!

Every purchase of a X'cess internet modem (EVDO) for K199.00 or wireless phone for K55.00 from a participating Telikom Business Office is an automatic entry into the draw. Promo period 13/02/10-28/02/10. Offer available only to locations with CDMA access. Promo offer is available to all school aged children attending recognised primary, secondary and tertiary institutions only.

Enquiries contact 344 4444

*Conditions apply



Jack na Jill

"Bikpela, yu skelim pinis bel bilong mi, na yu save tru long mi. Yu save long olgeta samting mi save mekim. Yu stap longwe, tasol yu save long olgeta tingting bilong mi." (Song 139:1-2)

TUPELA yangpela i wanskul. Jack i gat 16 krismas, Jill i klostu 14.

Krismas 2009 long Pot Mosbi i narakain dispela yia. Nupela gavana i stap na planti nupela program i kirap. Siti i klin na nupela program na bilas i kamap bilong selebretim Krismas. Toksave em: Yumi mas stap bel isi long taim bilong Krismas. Sampela hap, olsem Gerehu, dauntaun, Unagi Park na 5-Mail i gat kain kain bilas na ol lait. Planti ol famili lain i raun long nait bilong lukim ol lait na bilas na long singsing wantaim ol arapela manmeri bilong selebretim dispela santu taim bilong yia.

Ol yangpela tu i raun. Ol i amamas long bungim ol pren, wantok na wanskul bilong ol. Jack i bungim Jill long Unagi Park. Jack i spak liklik na i wok long grisim Jill long ol switpela toktok bilong em. Jill em yangpela meri na tingting bilong em i pas long tingting long ol boi tasol. Biknait nau, ples i tudak pinis, na ol waslain i bisi long bihainim ol program na musik, na tupela i lusim ples bilong pablik selebrenen na ran i go long ples tudak na kirapim pilai bilong tupela yet. Wokim samting pinis, na bipo long tulait, tupela i kambek. Jack i ting em i wanpela "bikshot" manki bikos em i prenim pinis wanpela meri. Jill i amamas bikos em i ting em i bungim wanpela boi i laikim em tru. Tasol nogat! Tupela i longlong na bai karim hevi long pasin tupela i mekim pinis! Orait, yia 2009 i pinis nau. Olsem wanem long nupela yia, 2010?

Namba wan samting: Pasin bilong tupela yangpela i rong, i nogut, em sinpasin; tupela i no gat rait long mekim dispela pasin; God i gat tok wantaim tupela.

Namba tu samting, Jack i gat tok wantaim Lo na famili bilong meri. Meri i aninit long 16 krismas. Em olsem, ol i ken kotim em long wanpela rong ol i kolim "carnal knowledge"; Polis inap salim em i go kalabus long Bomana. Na namba tri samting, wanpela bilong tupela i HIV pinis. Dispela samting i hait i stap, tasol na mi no ken tokaut long husat i HIV pinis. Nau olsem wanem? Nau tupela i HIV pinis o nogat? Yumi mas wait liklik. Bihain bai yumi painimaut!

Nau lukim. Tupela yangpela i bagararapim laip bilong tupela. Ol i no harim tok bilong God, tok bilong gavman, tok bilong ol famili na tok "awareness" long HIV/AIDS. Bel isi bilong Krismas i stap we nau?

Sori, dispela stori i tru tru na dispela samting i kamap long Pot Mosbi long Krismas 2009.

Salens long skruim ol wok i go long nupela skul yia



SKRUIIM SALENS LONG DISPELA YIA: Edukesen Sekreteri Dokta Joseph Pagelio

Veronica Hatutasi I raitim

KLOSTU 2010 skul yia bai stat tasol wanem ol bikipela samting we Edukesen Dipatmen bai mekim long dispela yia?

Wantok i bin kisim ol tok-tok long Edukesen Sekreteri, Dokta Joseph Pagelio long ol samting we dipatmen i plenim long mekim long dispela yia.

“Namba wan salens bilong Edukesen Dipatmen bilong dispela yia em long go hetim ol rifom o ol senis we em i kirapim stat yet long 1995, na i wok long go het yet;

“Namba tu em, tisa trening long kurikulum na ol arapela eria bilong edukesen sistem. Bikipela wok bai go long dispela eria;

“Nupela Elementeri Tisa Trening Kolis bai kirap long PNG Edukesen Institut (PNGEI) long dispela yia. Long namba wan taim, bai ol elementeri tisa long PNG i gat fultaim tisa trening bilong ol yet. Dispela bai

kamapim kwaliti na wok tisa long elementeri level. Edukesen Dipatmen i wok long kisim eksen nau long stretim ol samting.

“Go hetim Yunivesel Besik Edukesen (UBE) ol i bin lonsim long mun Oktoba las yia. Dispela UBE bai lukluk long etresim tripela eria. Em long:

1- olgeta pikinini i mas go long skul.

2-Etresim hevi long stopim ol pikinini i lusim skul taim ol i no pinisim 9-pela yia bilong skul.

3- Kwaliti edukesen o ol pikinini i mas kisim gutpela kwaliti edukesen. Dispela i min olsem i mas gat ol gutpela tisa long skulim gut ol pikinini, inap risos metiriel bilong ol tisa long yusim bilong skulim ol sumatin na tu, ol sumatin i mas gat ol inap buk na ol risos buk long lainim long en.

4- Saplai bilong ol Kurikulum metiriel i mas go gut long salim, kisim na tilim ol i go long olgeta skul insait long kantri.

“Olgeta samting i wok long senis na Edukesen Dipatmen i stat long mekim ol senis we bai go het long neks yia bikos em i no laik bai em i abrus long ol nupela senis long wol na long sait bilong edukesen,” Dokta Pagelio i tok.

Em i tok las yia 2009, i bin wanpela gutpela yia long Edukesen Dipatmen we i bin lukim go hetim bilong sampela bikipela samting. Na tu, kirapim ol nupela wok kamap bai kamapim ol senis insait long edukesen sekta.

Olsem wanpela bikipela sevis eria long PNG, samting olsem 2 milion sumatin long elementeri i go inap long teseri level, 50,000 tisa na planti ol arapela wok manmeri i wok long ol liklik na bikipela skul na ol edukesen institusen i kam aninit long lukaut bilong PNG Edukesen Dipatmen.

Dipatmen i gat moa pablik sevan i wok long em long kantri taim Helt Dipatmen i kamap namba tu.

Papamama i mas redim ol skul fi nau

Veronica Hatutasi i raitim

SALENS i go long ol papamama bilong sevim o bungim mani long peim skul fi long ol pikinini bilong ol.

Edukesen Minista, James Marape i wokim dispela salens taim em i tokaut long fri elementeri skul edukesen insait long PNG, stat long dispela yia.

Em i tok long dispela yia, PNG bai statim projek bilong Yunivesel Besik Edukesen we bai go het inap long yia 2019.

Na aninit long dispela, olgeta elementeri skul pikinini long kantri i no inap long peim skul fi stat long dispela yia. Tasol em i tok wanem ol fi fi skul o ol sios ejensi i sasim i wok bilong ol papamama long peim

“Em long projek fi na ejensi fi ol papamama i mas peim. Ol papamama i mas baim ol narapela samting olsem ol skul yunifom, su, ol pen, pensil, buk bilong rait na ol narapela samting moa long helpim ol i statim gut nupela skul yia,” Minista Marape i tok.

Baset o mani plen bilong gavman long dispela yia i katim K144.3 milion long helpim sabsidaisim o daunim mak bilong ol skul fi ol papamama i save peim long ol pikinini bilong ol.

Long wankain taim, Minista Marape i tok skul fi we Nesenel Edukesen Bot (NEB) i makim long en i glasim na skelim wantaim kain sindaun bilong tude, pe bilong ol samting long stoa na tu, ol skul i mas gat mani long mekim wok na op inap long pinis bilong skul yia.

Em i tok strong gen olsem long putim pikinini long skul em i wok ol papamama na ol gadien, ol skul bot, edukesen ejensi na provinsel na nesenel gavman i mas serim.

“Long lukim olsem 2010 skul yia i stat na ron gut, mi strongim ol papamama long mekim ol wok redi nau long peim ol skul fi,” Minista Marape i tok.

Edukesen Minista, James Marape



Painimaut, save na kisim tritmen eli i min yu bai stap laip longpela taim moa. Kisim HIV TRITMEN eli!

Go long VCT na Helt Senta klostu long yu long kisim moa toksave.

Nesenel AIDS Kaunsil Sekreteriet, PO Box 1345, Boroko, NCD Telepon 323 6161 Feks 323 1619



Namba 27 Sinot kamap long Lae

Bustin Anzu i raitim

NAMBA 27 Sinot bilong Evanjelikal Lutheran Sios bilong Papua Niugini pulim planti Kristen bilip manmeri na tu ol narapela i kam lukim.

Praim Minista bilong Papua Niugini tu i wanpela bilong ol dispela lain husat i go long Lae long lukim opim bilong sinot na em i amamas long dispela bikpela bung.

Opim bilong dispela sinot i kamap long Se Ignatius Kilage Stedium (SIKS) long Lae na ples i pulap nogut tru na i no gat spes.

Olgeta ples bilong putim kar i pas, gren sten bilong ol manmeri long sindaun i pas, na autsait long rot tu i pas na ol sekyuriti i no inap tok orait long ol manmeri i go insait long fil long wanem, em tu i pulap. Sampela yangpela mangi i painim hat long go insait na go antap long ol diwai long lukluk gut long Praim Minista na Ekting Bisop bilong sios.

Dispela sinot em i wanpela bikpela bung insait long kalenda bilong Lutheran sios long kantri, we i save bungim olgeta Kristen bilip manmeri insait long sios na mekim ol toktok bilong sios.

Gutpela moning taim na nogat win, solwara i slip sore, na ol pisin i singsing, na manmeri i kapsait long sinot.

San i abrusim Salamaua Poin pinis na kolta i hot, tasol ol manmeri i no wari long dispela.

Taim san i kamap strong, ol i painim ambrela o yusim ol program pepa long banisim ol yet long san. Sampela husat i no mekim rot i go long stedium, i painim ol as bilong diwai long kisim win.

Wanem samting pulim ol em ol yangpela meri ol i kam long kala bilong renbo na pilaim tamborin na mekim singsing.

Dispela renbo em i kalaful stret long wanem, taim yu stap antap long gren sten, yu ken lukim disain bilong renbo wantaim kankain kala bilong em.

Pastaim long program i stat, sinot i tingim wok bilong leit Bisop Dokta Wesley Kigasung na givim wan minit sailens, long tingim ol gutpela wok em i bin mekim taim em i stap bisop insait long 11-pela yia olsem het bisop.

Gest Prisa (preacher) Reveren Traugott Farnbacher, husat i autim toktok long bilip, hop na lav.

Em i tok long ol dispela tripela samting, laikim em i bikpela samting.

"Mipela i mas i gat bilip, hop na lav. Tasol bikpela samting em lav. Mipela olsem sios i mas lavim ol narapela na mipela mas i gat bilip na hop. Dispela bai banisim mipela long mekim wok bilong Bikpela na mipela i no inap pundaun long ol traim i kamap," em i tok.

Pasto Farnbacher em i jeneral sekreteri bilong Asia Pasifik na em i save stap long Jemani (Germany) na em i kam long Sarere long stap insait long dispela sinot.

Tasol pastaim long dispela, em i stap tisa long Senior Flierl Semineri long Logawang, Finschhafen, Morobe provins.

Toktok bilong em i kamap long Ephas 5:1-2, aninit long het tok bilong sinot, "Wokabaut wantaim insait long pasin bilong laikim."


Em i tok God yet i laikim ol na dispela i stap long pikinini bilong em na ol tu mas mekim wok insait long laikim bilong God.

Wanpela bot ol i kamapim long kar tu istap insait long stedium. Dispela em ol i kolim wanpela Ark. Em i soim piksa bilong wok misin insait long kantri. Ol i bin draivim raunim stedium na i go pikim 17-pela pikinini, makim ol distrik bilong ol.

I go moa long pes 9



BISHOP, PM & GOVERNOR: Ekting Bisop Rev Zau Rapa (lephan), Praim Minista Se Michael Somare na Morobe Gavana Luther Wenge i go long kisim sia long taim bilong opening.



PM OPIMSYNOD: Praim Minista i adresim Namba 27 sinot.



BISHOP & PM: Ekting Het Bisop Zau Rapa i tok tenkyu long PM i kam long sinot.



MUMENG DISTRIK: Mumeng Distrik i go insait long fil wantaim beg paip ben bilong ol.



PRES CANDLES: Ol 17-pela Presiden bilong ol distrik i sanap wantaim kendol long soim lonsim bilong visen 2020



SIMBU DISTRIK: Ol polisman i stap insait bilong delegesen tu. Ol Mobail Skwat bilong Kerowagi i kisim Simbu distrik i go insait long stedium long taim bilong opening bilong sinot.



Ol Poto: Bustin Anzu

TAUBORINE GIRL: Wapela yangpela meri i pilaim tamborin long opening.

'Holim strong bilip bilong Luteran'

Michael Novingu i raitim

ASKIM i go long 1.3 millien Kristen manmeri bilong Luteran Sios long Papua Niugini long holim strong bilip bilong ol long Luteran Sios long helpim arapela manmeri long kirapim gutpela sindaun bilong ol.

Gavana bilong Morobe Luther Wenge, i tokim samting olsem 2000 manmeri i kam bung long lukim opim bilong namba 27 ELC-PNG Sinod long Lae las wik Sande.

Mista Wenge i tok em i no wanbel long gavman long ol i no larim ol Luteran Sios dokta bilong kantri Jemani long kam wok long ol haus sik bilong Luteran Sios i lukim ol manmeri i kisim taim nogut.

Mista Wenge i askim gavman long kisim ol dokta bilong Jemani long kam wok long helpim manmeri bilong Papua Niugini.

Moa yet, em i askim gavman long katim ten pesen (10%) mani long LNG Projek

givim long ol sios long PNG long karimaut wok bilong ol.

Em i tok tu olsem gavman i mas mekim lo long givim tok orait long katim sampela mani bilong ol wokmanmeri long givim i go long ol sios long karimaut wok bilong ol.

Mista Wenge i askim Praim Minista Se Michael Somare long taim em i stap long opim bilong Sinod long katim K 1 millien long 2011 mani plen i go long ol sios long karimaut wok bilong ol.

Em i askim Se Michael Somare long bekim ol askim bilong em pastaim long em i pinis wok long politiks long 2012.

Mista Wenge i tok tenkyu long Zao Rapa long gutpela wok em i mekim long lukim Sinod bai go het. Moa yet em i tok tenkyu long Se Michael Somare, Gavana bilong Madang Se Arnold Amet na arapela bikmanmeri i kam stap long lukim opim bilong ELC-PNG 2010 Sinod.

Namba 27 Sinot kamap long Lae

I kam long pes 8

Dispela i stat wantaim Jabem (Yabim), Kote, Ukata, Boana, Siassi na Mumeng insait long Morobe Provins, Kainantu na Goroka long Isten Hailans, Simbu na Is Simbu long Simbu, Hagen na Jiwaka long Westen Hailans, Immanuel long lalibu, Karkar na Madang long Madang,

Niugini Ailan na Papua makim Papua rijen.

Long dispela taim tu, ol i lonsim visen o driman plen bilong Evanjelikal Luteran Sios bilong Papua Niugini 2010-2020. Sios i putim tingting bilong em olsem au bai em i ron long narapela 20 yia.

Long makim dispela, ol i

laitim kendol na givim i go long 17-pela presiden bilong 17 distrik, makim lonsim bilong visen 2010-2020.

Luteran Sios i gat 1.3 millien bilip manmeri na moa long 900 pasto long 17 distrik bilong sios.

Dispela sinot bai pinis long pinis bilong dispela wik.

Senis bilong Konstitusen

Bustin Anzu i raitim

BIKPELA samting insait long dispela sinot Namba 27 em Konstitusen o mama lo bilong sios.

Dispela konstitusen i no senis long longpela taim na nau ol i senisim pinis tasol mas kisim blesing bilong sinot flo long kamapim olsem mama lo.

Taim ol i mekim namba wan riding long Mande apinun, sampela nupela samting tu ol i bin kamapim na tu stretim planti hap tok tok insait long mama lo we pastaim i no stap stret.

Disiplin bilong ol lidaman bilong sios em wanpela bikpela samting ol i bin kamapim wantaim, aninit long sios lidasip kod.

Dokta Eric Kua, wanpela tisa bilong ol loaia long Yuni-versiti bilong Papua Niugini (UPNG) husat i go pas long dispela senis bilong Konsti-

tusen i tok long namba wan riding olsem ol pasto husat i maritim planti meri, dring na spak na wantok sistem em bai ol i rausim.

Long dispela riding, em i tok ol i senisim sampela samting we ol i nid long senisim. Tasol planti samting em ol i larim olsem em i save stap pastaim.

Ol bai makim tu sios ombudsmen we bai sekim ol lida wokman meri bilong sios sapos ol i kisim ripot i kam long Kristen bilip manmeri. Ombudsen bai sekim na sapos dispela ol stori i tru, ol bai rausim ol.

Sem taim tu ol i makim narapela komiti ol i kolim ol apil komiti. Sapos dispela lida em i laik long apil long dispela disesen bilong Ombudsen, dispela apil komiti bai lukluk na skelim sapos em i gat gutpela as long apil na kisim wok bek.

Dispela riding i tok ol bai

lusim bisop konferens long wanem, em i ekspensiv o dia tumas na save kamapim longpela taim long holim, wan wik.

Bisop nau bai gat Bisop Advaisori Komiti bai givim em edvais o stia long mekim ol toktok long ol sampela bikpela hevi o isiu i kamap insait long sios na kantri wantaim.

Dispela riding i bin ron gen long Tunde nait na long tude (Fonde 14) em i go long fainol riding na sinod flo bai tok orait olsem ol dispela senis i ken kamap insait long Konstitusen o mama lo bilong Evanjelikal Luteran Sios bilong Papua Niugini.

Dokta Kua i tok las taim ol i senisim dispela mama lo na ol bai lo em long 1992 na dispela em i longpela taim i go pinis.

PM tok tenkyu long ELC-PNG

Bustin Anzu i raitim

PRAIM MINISTA bilong Papua Niugini i tok tenkyu long Evanjelikal Luteran Sios bilong Papua Niugini long bikpela wok sios i wokim long developim kantri.

Sios em i wanpela brukim bus sios husat i bin kam stat na planti gavman sevis em i bin kisim i kam insait wantaim.

Gren Sif Se Michael Thomas Somare i tok Luteran Sios i mekim bikpela wok long sait bilong Helt na Edukesen na plant bilong ol dispela han mak em ol i lukim tude.

"Wok bilong Helt na Edukesen em i bikpela samting sios i bin mekim. Gavman i no inap long givim ol dispela sevis tasol sios i bin stap na kisim ples bilong em na mekim bikpela wok," em i tok.

Em i tok dispela sios em i bin kam pastaim na ol i bin krungutim planti hap bilong graun long telemautim gutnius bilong Bikpela.

Gavman tu i bin mekim

bikpela wok bilong sapatim Helt na Edukesen tasol em i no inap em yet i wokim olgeta dispela samting. Olsem na nau em i lukluk olsem sios i mas go pas long dispela.

"Dispela Praivet Patnasip agrimen mipela i sainim wantaim sios em i gutpela long wanem, wok bilong Helt na Edukesen em bai mipela givim i go long ol sios long lukautim na ronim.

"Long neks yia, gavman bai mekim rot long putim sampela mani long helpim ol sios long ronim na lukautim ol wok bilong helt na edukesen," Praim Minista i tok bihain long opim bilong 27 sinot bilong Evanjelikal Luteran Sios bilong Papua Niugini long Lae long Sande.

Dispela em i namba wan taim Praim Minista bilong Papua Niugini i go na lukim dispela bikpela bung bilong Luteran Sios insait long kantri na em i amamas tru long lukim ol pilai ol i bin kamapim na hamas Kristen bilip manmeri i bin kamap.

Praim Minista, husat i stap long malolo long asples Wewak, i mekim taim bilong em long go na lukim dispela sinot.

Em i tok tu olsem sios i bin kamapim planti ol haus sik na skol insait long kantri na ol sios memba long lukautim ol dispela.

Praim Minista i bin toktok long ol i mas skulim ol Kristen velu na prinsipol o pasin em i gutpela long ol papa mama i mas lainim ol pikinini bilong ol long haus yet.

Se Michael i tok i moa-beta long ol papa mama, ol namba wan tisa bilong ol pikinini i mas skulim na lainim ol pikinini long haus yet.

"Ol famili i mas lainim ol pikinini long Kristen velu na prinsipols. Pasin bilong laikim wanpela narapela, pasin bilong givim na pasin bilong respek na harim tok em mas kamap long hauslain bilong ol," em i tok.

Praim Minista i tok wok bung wantaim o yuniti i mas stap long ol famili na kam aut.

Jisas em i Lait bilong Wol

OL KAIN kala lait i pulap long olgeta hap olsem ol haus, opis, ol sios, ol strit na wol bilong ol bilding long dispela taim yumi luksave long krismas na Nu Yia. Tasoll ol dispela lait bai dai na wanpela lait tasol bai i stap lait oltaim.

“Jisas Lait bilong olgeta hap bilong graun, sutim lait bilong yu i kam long mi”, em het tok we Modereta bilong Yunaitet Sios long PNG, Reveren Samson Lowa, i mekim long Krismas taim na Nu Yia yumi kalapim i kam tasol.

Reveren Lowa i tok yia yumi abrusim pinis i bin gat ol miks samting i kamap olsem ol hevi na dai we pikinini, famili memba, pren na husat yumi laikim tumas i bungim bagarap na bikpela sik o hevi i pundaun antap long em. Tasol em i tok tu olsem yumi bin gat ol taim bilong amamas na selebret olsem taim wanpela i kisim promosen, pikinini i mekim gut long skul na bikman i kam insait long laip bilong yumi.

“Long ol bikpela birua i bin kamap na manmeri i bin dai long ol, birua long ka, balus i kres o pundaun na birua na ol narapela birua i bin kamapim hevi long ol wan wan man na kantri. Tru, bikpela sori na pen i bin kamap, tasol noken lus tingting long askim Jisas i sutim lait bilong em i kam antap long yu na famili long dispela taim bilong selebretim Krismas na nupela yia,” Reveren Lowa i tok.

Em i tok yumi ken kisim bel isi long dispela hap tok: “Ol man i wokabout long tudak bai lukim wanpela strongpela lait - wanpela lait bai sut i go long ol lain i save stap long ples bilong sedo na dai”. Yes, God bilong yumi Emanuel i save stap long helpim yumi olgeta



YUNAITET SIOS MODERETA SAMSON LOWA

taim, Reveren Lowa i tok.

Long ol samting we yumi bin painim amamas long ol long yia yumi lusim sotpela taim i go pinis, Reveren Lowa i tok kantri, ol famili na wan wan man i bin lukim planti bilong ol.

“Olsem kantri, tupela bikpela samting yumi amamas long ol i bin kamap. Em long lonsing bilong PNG Visen 2010-2050 long mun Novemba las yia. Na saining bilong K42 bilion PNG LNG ges projek long Disemba 8 las yia. Dispela tupela samting em bai yumi no inap lusim tingting long ol long longpela taim. Wanem ol bikpela hevi Bikpela i sevim yu long en na tu, ol blessing yu bin kisim na yu amamas long ol. Em i taim yumi lukluk bek long yia 2009 ba givim i go bek i go long Jisas “lait bilong wol” ol glori o biknem yumi sapos long givim i go bek long em. Wanem ol bikpela samting i bin kamap long laip bilong yu laik givim tok tenkyu i go long

God long em?” Reveren Lowa i askim.

“Namba trio samting em, long taim bilong hevi, sori na pen bilong yumi, yumi pret olsem sampela taim, ol pen na sori taim bilong yumi bai i no inap pinis. Tasol yum i ken pulim win na stap isi long wanem, maski yumi ni inap long kisim ol samting yumi askim long em olgeta taim, em i no inap lusim yumi. Em bai givim yumi stia wantaim strongpela Lait bilong em (Isaiah 9:2) Aposel John i tok tu olsem Jisas em i bikpela Lait (John 1:9) Jisas em i kolim em yet olsem “Lait bilong wolk (John 8:12).

Reveren Lowa i tok “mi tok tenkyu long God bikos long taim bilong bikpela tudak, God i bin promis long salim lait bai sutim lait bilong em long olgeta i stap aninit long sedo bilong dai. Em i gutpela kaunsela na strongpela God na noken gat tubel bikos Jisas em i ansa long ol samting i no stret long PNG na long ol hevi na wari yumi wan wan i gat.”

Reveren Lowa i tok yumi mas tok tenkyu i go long Bikpela long mesej i givim yumi hop o bilip we i kamap tru taim Jisas i bin bon long dispela graun na sanapim strongpela Kingdom i no inap pinis.

“Em bin kam long sevim manmeri bilong graun long sin pasin. Taim yu ritim dispela toktok, bai yu kisim blessing na hiling long ol hevi na wari. Taim yu tokim ol narapela long maus bilong yu yet olsem Jisas em o Lod o God bilong yu na yu bilip long lewa bilong yu olsem em i kirapim yu long dai, yu bai i no inap lus. (Romans 10:9,” Reveren Lowa i tok.



Jisas i winim strong bilong Satan long ples bilong ol daiman

TAIM Jisas i dai, bodi bilong em i go long ples matmat tasol spirit bilong em i go long ples bilong ol daiman.

Yumi no klia olgeta long ol samting i kamap long dispela taim, tasol Baibel i tok, “Em i stap spirit na em i go autim tok long ol spirit i stap long ples kalabus” (1Pi 3: 19).

Dispela ples kalabus em i ples bilong ol daiman. Yu noken ting Jisas i go long autism tok long ol daiman bilong ol i ken tanim bel. Nogat.

Tasol em i go na tokaut long em i winim Satan. Long Gaden Iden God i bin tok olsem, bihain wanpela pikinini bilong meri bai i kam na bai krukutim het bilong snek na snek bai kaikaim lek bilong em (Stt 3: 15). Taim Jisas i go long ples bilong ol daiman em i soim olsem em i bin krukutim het bilong snek pinis.

Tasol Jisas i no kamap wanpela kalabus man long ples bilong daiman. Nogat Jisas i no bin mekim sin na Satan i no inap holim em. Jisas i kirap bek na “Krais i go pinis long heven, na em i stap long hansut bilong God. Na ol ensel na ol strongpela spirit na olgeta samting i gat strong, olgeta i stap aninit long em” (1 Pi 3:22).

Paul i tok olsem, “Pastaim em i go daun insait long hap bilong graun i stap daunbilo tru.

Dispela man pastaim em i go daun, em i go antap tu.

Em i go antap tru olgeta long heven, bilong em i ken pulapim olgeta samting” (Ef 4: 9 - 10).

Yumi ken amamas tru.

Jisas i winim Satan long bikpela pait bilong tupela. Jisas i win pinis long dispela graun, na em i win tu long ples bilong ol daiman.

Nau Jisas i stap antap tru long sia king long heven na i stap king bilong olgeta bilong olgeta samting.

Jisas i win tru, na i nogat wanpela hap we Satan i stap bikpela moa. Nogat.

Baibel i tok, “Krais i dai pinis, na long dispela bikpela strong bilong God, God i kirapim em na i bringim em i go sindaun long han sut bilong em long heven.

Olsem na Krais i stap antap tru long olgeta kain strongpela spirit, na long olgeta hetman na long olgeta gavman, na long olgeta samting i gat strong.

Em i stap antap long olgeta man i gat nem nau long dispela taim na long taim bihain tu”. (Ef 1: 20: 21).

Pe bilong sin em i dai.

Tasol Jisas i no bin mekim sin, olsem na i nogat we bilong Satan i holim Jisas long ples bilong ol daiman. Jisas i winim Satan pinis na nau Jisas i tok, “Bipo mi dai pinis, tasol lukim, nau mi stap laip oltaim oltaim. Mi holim ki bilong dai na long ples bilong ol man i dai pinis” (KTH 1: 18).

Taim Jisas i laik go bek long heven, em i tok, God i givim mi bikpela namba na strong bilong bosim olgeta samting long heven na long graun.

Olsem na yupela i mas go mekim olgeta lain manmeri i kamap disaipel bilong ...” (Mt 28: 18 -19).

Yes, amamas bilong bikpela God. Yumi gat gutpela gutnius tru long givim long ol manmeri.

Jisas i winim Satan pinis.
Jisas i winim ol spirit nogut.
Jisas i winim sin.
Jisas i winim dai.
Jisas i winim matmat.
Na Jisas i winim olgeta strong na pawa bilong hel.

Lukim moa long tupela wik i kam.

Ples (Holilen) long taim Jisas i stap long graun

■ Skruim stori na piksa long Holilen i kam long las wik.

HOLILEN i bin stat lon g yia 63 BC i bipo Jisas i bon. Pastaim ol i bin save kolim Holilen “Palestina.” Tasol taim em i kam aninit long lukaut bilong Roman Empaia, bikpela senis i bin kamap long sait bilong etministresen. Aninit long lukaut bilong King Herod the Gret (37 BC), ples i stat long ron gut bikos ol samting i bin go nogut taim ol i bagarapim Jerusalem long 587/586 BC. Herod i no bin larim ol Roman lain i kontrolim em long ranim etminisresen bilong Holilen na em yet i ranim ol wok long dispela eria. Tasol long sait bilong politiks, Roman Empaia o gavman i kontrolim Holilen. Ol taun olsem Jerusalem, Jeriko, Sesarea, Filipi, Senastieh, Askalon ma moa em ol i wokim bihainim plen na stail bilong ol Roman lain we i gat ol tiata, ol temple ol i wokim long givim luksave long Empera. Long ol taun tasol olsem Jerusalem, Hebron na Mambre em wanpela i ken lukim sampela rilijes ektiviti o wok i kamap long ol bikos long Herod husat i bin laik winim tingting bilong ol manmeri em i lukautim. Tasol bikpela tingting bilong en em long strongim pawa na strong bilong em



yet agensim narapela biknem Kwin na lida bilong Ijip long dispela taim, Cleopatra. Olsem na em i wokim ol arere taun na ol strongpela bilding long veli bilong Jordan na long sait bilong Ded Si long stopim ol birua i go insait na salens wantaim ol.

■ Skruim i go moa neks wik.

NAZARET TAUN: Nazaret em i liklik taun i sanap long Iowa Galili. Olpela taun i stap long namel we Basilika sios bilong Anansiesen, Konven bilong ol Fransesken na Sios bilong Sen Josef i stap long en. Long eria klostu long ol maunten, ol Arab i lotu long Islam na ol Kristen lotu olsem Katolik na Otodoks i stap long en. Long sait bilong maunten o apa Nazaret, ol Jew i stap long en.

Hillary kamap long PNG

PNG long tude i lukim dispela meri i gat bikpela pawa stret long top strongpela kantri long wol, Yunaitet Stets bilong Amerika, (USA) i wokim sotpela wokabaut bilong em long PNG.

Hilary Rodham Clinton, em namba 67 Sekreteri bilong Stet long Amerika na meri bilong bipo presiden bilong Amerika, Bill Clinton, em dispela bikmeri i wokim raun bilong em long Pasifik rijen wantaim Australia na Nu Silan. Na wokabaut bilong em long Pot Mosbi, PNG em long sotpela taim olsem 6-pela awa tasol.

Long sotpela stap bilong em long PNG, Sekreteri Clinton bai bungim na holim ol toktok wantaim Praim Minista Se Michael Somare na kabinet bilong em, Gavana Jenerel Se Paulias Matane na ol meri lida long kantri. Sampela ol samting we Sekreteri Clinton na ol lain i toktok long ol em ol samting long environmen na wok long lukautim gut dispela.

Na tu, ol wok bilong ol meri na rot we ol i ken helpim sapotim long wok wantaim ol man na kamapim gut kantri.

Dispela em i namba tu wokabaut bilong wanpela Sekreteri bilong Stet long Amerika i kam long PNG. Tenpela yia i go pinis, wanpela meri Sekreteri bilong Stet long Amerika, Madaleine Albright, i bin kam long PNG long sotpela taim, tasol em i bin stap long ples balus tasol. Sekreteri Clinton bai kam olgeta na lukim ples na tu, na bung toktok wantaim ol bik manmeri.

Sekreteri Clinton i bin mekim tok promis long kisim wanpela top wok long kantri long Januari 21 las yia. Em i go insait wok wantaim Stet Dipatmen bihain long em i wok long publik sevis olsem Atoni Jeneral, Fes ledi na Seneta long Amerika klostu 40 yia.

Mama i bin karim Sekreteri Clinton long Chicago, illinois long 1947 na klostu em i gat 64 kris-mas. Em i bin skul long ol publik skul long Chicago pastaim long em i go long Wellesley Kolis na Yale Lo skul we em i bungim Mista Clinton.



HILLARY CLINTON: Top strongpela meri long wol.

Long 1974, Sekreteri Clinton i bin muv i go stap long Arkansas na maritim Bill Clinton, karim pikinini meri, Chelsea, tasol skruim wok olsem ateni o loya. Em bin holim ol bikpela wok long ligel sevis bilong kantri, Fes Ledi long Akansas long 12-pela yia na holim ol narapela wok olsem siameri bilong ol famili na pikinini ogenais-esen. Long 1992, taim Bill Clinton i bin kamap presiden bilong Amerika, em bin kamap fes ledi na skruim ol wok na tok strong long sait bilong kamapim gut helt sevis, famili na ol pikinini na meri. Long 2000, em bin wokim histori taim ol i votim em olsem namba wan fes ledi na tu, meri i go long Senet o Palamen bilong Amerika. Em bin stap na go pas long planti komiti olsem Am Sevis Komiti, Helt, Edukesen, L eba na Pensen, Environmen na Publik Wok, Baset Ba Selek Komiti bilong ol Lapun. Planti moa ol komiti em bin wok long ol bihain long Septemba 11 teroris atek long Amerika long 2001.

Long 2006, ol i bin makim em gen long skruim wok long Senet na long

2007, em bin statim kem-pein long kamap presiden bilong Amerika. Long 2008, em bin kempein long Presiden Barrack Obama na Joe Biden na long Novemba, Presiden ilek Obama i bin makim em olsem Sekreteri bilong Stet.

Sekreteri i raitim kamap sampela gutpela buk we planti lain i gat laik long ritim long en.

Raun Lukim ol Meri na Pikinini:



KRANGET MAKET: Painim lans long Kranget Pis maket long Madang klostu long Madang Risot Hotel.



BILAS: Yangpela meri Papua i putim naispela kain tumbuna bilas bilong ol Mekeo yet.



AMBRELA GIVIM GUTPELA KARAMAP: Ambrela i bikpela samting long san na ren olsem dispela poto i soim we Dijisel ambrela i haitim gut san long liklik pikinini.



TROMOIM HUK: Olsem long planti nambis hap bilong PNG, mama na ol pikinini i tromoim huk long painim abus bilong famili.

Sotpela Tok Skul:

Skruim toktok long Marie Stopes long PNG na Helt bilong yu

'Yangpela Hotlain'

VISEN o tingting long kamapim Yangpela Hotlain em long givim ol yangpela pipel infomesen na ansa long ol askim long seksuel riprodaktiv helt na ol kain samting olsem i karamapim:

-i no plen na i gat bel, ol seksueli trensmitit infeksen o sik ol manmeri i gat taim ol i slip nabaut wantaim planti poroman, HIV AIDS, jenda i kwaliti o man na meri sanap long wankain luksave, Pia Presa o bihainim ol poroman na mekim ol samting i gutpela na nogut wantaim, alkohol o ol strongpela dring, drag o strongpela spakbrus na bikhet slip nambaut wantaim narapela man o meri, fosim meri long slip wantaim,

paitim na mekim nogut meri bikos em i no laik slip wantaim man na skulim ol yangpela pikinini i laik kamap ol man na meri long pasin bilong na meri i stap wantaim.

-Ol yangpela man na meri i laikim helpim i ken ring i go long dispela telepon namba: 72005314 na mipela bai ringim yu bek. Yu ken ring long telepon namel long 8 kilok moning inap long 10 kilok nait olgeta de i karamapim tu wiken na ol publik malolo de. Email etres yu ken kisim mipela long en em: yangpela-hotline@mariestopespng.org

Ol Laipskil woksop bilong ol yangpela.

Givim save bilong mekim wok

long ol yangpela em i bikpela samting. Olsem na MSPNG i givim bikpela lukluk na tingting bilong kamapim ol Laipskul woksop. Dispela woksop i op long olgeta yangpela pipel i go na lainim long em. Long ol dispela woksop, ol yangpela i lainim self awenes, wokim ol disisen, kontrolim "peer pressure" o taim ol poroman i strongim yu long wokim samting agensim laik bilong yu, toktok long abrusim ol yangpela pikinini meri i karim bel o i no redi long em, STI na HIV AIDS, long liklik manki o meri i gro i go bikpela manmeri na pren pasin namel long ol yangpela man na meri.

Moa long neks wik.

Australia gavman i wari long Commonwealth Games Sekuriti

GAVMAN bilong Australia i bin tok ol bai mekim olgeta samting ol i ken long kisim wanpela kain ol toksave long ol wari bilong sekuriti, pastaim long Komonwel Gems i kamap long India.

Gavman bilong Australia i bin tok ol bai mekim olgeta samting ol i ken long kisim wanem kain ol toksave long ol wari bilong sekuriti, pastaim long Komonwel Gems i kamap long India.

Sampela ol saveman long wok sekuriti i bin givim tok lukaut olsem, Komonwel Gems bai kamap olsem taget bilong ol teroris pasin, tasol Komonwel Gems Asosiesen bilong Australia

bai tok em bai salim yet ol etlit bilong Australia i go long Gems. Asosiesen i bin tok em bai go het long kisim wanem kain toksave i kam long ol atoriti bilong Australia na

India pastaim long Gems i kamap long mun Oktoba. Eking Foren Minista bilong Australia, Simon Crean, i bin tok wanem toksave ol i kisim, ol etlit bai save tu long en.

Ol wokman na meri long Fiji resot i stop wok

MINISTA bilong Leba long Fiji i bin tok ol wokman bilong gavman bai mekim wok painim i go long wanpela stop wok em ol wokman na meri long wanpela risot long Fiji i bin stap insait long en.

Televisen long Fiji i bin ripot 62 ol wokman na meri long Taunovo Risot i bin stop wok stat yet long Fraide, we ol i tok ol i no bin kisim pe bilong ol stat yet long Novemba 15 las yia.

Sampela ol wokman na meri i bin tok ol i kisim 40 Fiji Dola las wik long helpim ol wantaim sampela kos.

Minista bilong Leba, Filipe Bole, i bin tok ol wokman na meri i no mas stop wok, longwanem Leba dipatmen i no bin kisim sampela toksave long dispela.

Soka: Saut Afrika i gutpela kantri yet long Wol Cup Soka

KOMITI i go pas long ol wok rere bilong 2010 FIFA soka wol kap long Saut Afrika i bin traim nau long toksave long ol visita em ol i laik go long kantri, long wol kap soka pilai, olsem maski long dispela hevi long ol soka pilaia bilong Angola, olgeta samting bai orait.

Nesnel soka tim bilong Togo, i redi long kisim balus i go bek long ples lusim Angola, bihain long ol rebels i bin bagarapim bas bilong ol, na kilim tripela pipel na kamapim bagarap long sampela arapela.

Ol i bin laik go stap insait long soka tonamen bilong Afrika nesens kap, taim ol rebels i bin hait i stap na bagarapim bas bilong ol. Sif Komyunikesen Opisa bilong FIFA 2010 Wol Kap, Rich Mkhondo (mus-Kondoh) i bin tok ol pipel i no mas larim dispela asua i stopim ol long i go long Saut Afrika.

Viktoria stet bilong Australia i putim aut strongpela toksave long paia

HATPELA san long Australia stet bilong Viktoria i bin mekim na 'Paia Sevis' bilong stet i bin putim aut namba wan strongpela tok-

save bilong em long paia. Dispela strongpela toksave long paia, ol i bin kamapim bihainim bikipela paia i bin kamap long stet

las yia, we i bin bagarapim planti ol haus long hap olsem isten sait bilong stet. Dispela tok lukaut ol i bin putim aut nau i bilong ol

pipel bilong westen sait bilong Viktoria olsem long Wimeria eria, we mak bilong tempresa bai inap olsem 42 digri.

Sif Paia Opisa, Ewan Waller, i bin tok ol pak na bas stop eria long dispela hap ol i pasim pinis long ol pipel i go kisim malolo.

Togo bai pilai long Afriken Nesens kap

AFRIKA kantri Togo, i bin kamapim tingting olsem em bai no inap stopim pilai bilong em long Afrika Kap, taim wanpela birua i kamap long bas bilong ol na kamapim dai bilong tripela pipel na kamapim bagarap long ol sampela arapela.

Maski long gavman bilong Togo i bin strong olsem tim i mas i go bek long ples, ol pilaia i bin kamapim tingting olsem ol bai stap long Angola na pilai.

Wanpela memba bilong tim, Thomas Dossevi, husat i pilai long tim bilong France, Nantes, i bin tok tim i bin tok olsem em bai go het long pilai long tingim ol pilaia em ol i bin dai long dispela birua.

Tim i bin tokaut long tingting bilong en, sampela aua pastaim long ol pilai bilong dispela kompetisen i stat.



KROS LONG AUSTRALIA: Ol lain manmeri bilong India long Nu Deli, long India i kros na protes ausait long Embasi bilong Australia. Ol i belhat long narapela birua i painim wanpela India man sumatin husat i skul i stap long Australia. INSET: Kukim Rudd. Ol wokman bilong Bhartiya Janta pati i kukim nesnel flek bilong Australia, na piksa poto bilong Praim Minista bilong Australia, Kevin Rudd. (EPA Poto i kam long AAP Images)



Sip bilong Australia, Sea Shephard, bai kotim welpis sip bilong Siapan

KONSAVESEN grup bilong Australia, Sea Shepherd, bai traim long lukluk long kisim 'ligel eksen' long sampela kantri agensim Welpis sip bilong Siapan, Shonan Maru Namba 2. Niusmeri Stephanie

Boulet i ripot, kapten bilong sip Sea Shepherd, i bin tok Shonan Maru Namba 2 i bin laik ron i go na bamim na bagarapim sip Ady Gil, na kamapim bagarap em kos bilong en bai inap long 2 milian dola, na traim bagarapim laip bi-

long ol kru memba bilong bot. Mausman Paul Watson i bin tok grup nau i wok long painim wanem rot nau ol bai kisim. Ol i kamapim pinis ol sas bilong 'pairasi' aninit long loa bilong Holen (Holland),

na ol tu i lukluk long kotim dispela sip long Amerika na Siapan. Tasol sip bilong Siapan i bin strong long toktok bilong ol olsem ol i bin traim olgeta samting ol i ken long abrusim dispela bot, tasol ol i no bin inap.



Mosbi bai paia long LNG

ATING olgeta pipel bilong Papua Niugini bai poket pulap na bruk stret taim bikpela projek bilong LNG i kamap insait long kantri.



Olgeta hap long rot na ol opis tu em ol manmeri pairapim toktok long LNG stap. Provins bilong mi em nogat wanpela LNG paip o opis bai stap long en olsem na mi no klia sapos mi bai gat wanpela sans long lukim na holim wanpela mani bilong LNG projek o nogat?

kamap bikpela pasindia bilong Mosbi siti na raun nating long rot na kamapim planti trabel na hevi moa.

Bosman bilong NAS-FUND, Rod Mitchell, i tokaut pinis olsem dispela LNG projek bai pulim planti tausen manmeri go long Mosbi we planti bai nogat wok na ol bai raun nating long rot. Bai nogat haus slip tu na ol bai surukim setelmen go bikpela moa.

Plantilain husat bai gat sans long wok tu bai nogat haus bikos ol haus long Mosbi em dia tumas na ol tu bai surukim setelmen go moa yet.

Long pinis bilong Mosbi Jacksons ples balus em nupela setelmen i kamap na stap pinis. Maunten long 5 Mail em ol manmeri brukim maunten go daun na ol haus ron long maunten go antap pinis bungim tawa bilong DCA long het

bilong maunten ya. Baksait long Nesanel Palamen em setelmen ol kolim '4 Siti' ron pinis long hap go bungim Morata na Erima. Baksait long 9 Mail matmat em bikpela setelmen kamap pinis long hap na klostu bai ron long maunten ya go bungim Maun Eriama wara saplai.

Em ol sampela setelmen mi kolim tasol bai planti moa bai kamap bikos moa manmeri bai go pulap long Mosbi na tu ol wokman bilong LNG bai nogat haus na ol tu bai go slip long setelmen.

Wankain tu ol wokmanmeri bilong Mosbi siti yet i wok long painim hat long haus bikos haus em dia tumas long baim na rentim olsem na ol tu bai surukim setelmen go moa yet liklik taim bihain.

Olsem na yumi tingim tasol. Wanem kain hevi tru inap kamap long dispela sapos planti manmeri kam pulap long siti, moa setelmen i kamap, planti nogat wok bikos ol no inap kisim wok wantaim LNG, ol woklain bilong LNG bai gat

plantilain manmeri na raun long Mosbi siti na arapela moa. Wanem kain hevi inap kamap?

Mi ken tok stret olsem stil pasin, spak na mekim trabel, marit bai bruk nabaut, sik AIDS bai go bikpela moa yet, planti eksiden long rot na pasin pait bai kamap planti.

Gavman mas hariap tokaut long ol pipel long amas wok bai LNG bai kamapim, stretim ol haus bilong ol manmeri ken rentim long stap wantaim famili bilong ol, noken larim moa setelmen i kamap, ol asples Papua na Koiari noken givim graun nating nating long ol manmeri i baim na stap, apim strong bilong polis go antap na tu apim prais bilong ol kaikai na ol sevis go antap bai ol manmeri pret long go bek long asples bilong ol.

Olsem na tingim gut, LNG bai sevim olgeta pipel bilong PNG o nogat? Noken harim nem bilong bikpela mani na seksek nating na bagarapim laip na sindaun bilong yu.

WANTOK KOMENTRI

Kalabus ronawe autim sekyuriti hevi

NAMBA tri wik bilong namba wan mun bilong 2010, na bikpela hevi i kamap we i soim tru strong bilong ol kalabus bilong yumi.

12-pela biknem raskol man husat i stap insait long Maksimum Sekyuriti Yunit (MSU) bilong Bomana Haus Kalabus long Mosbi i bin ronawe long Tunde dispela wik.

Wanpela de i lus pinis bihain long ol dispela kalabus i bin ronawe, na sindaun bilong olgeta bisnis na manmeri long Mosbi siti i no orait tumas.

Ol dispela lain i ronawe lusim MSU bilong Bomana haus kalabus em gavman i skelim ol olsem ol 'Hai Risk' kalabus man. Olsem na ol i no stap kalabus wantaim ol arapela kalabus.

Dispela hevi nau i soim klia olsem strong bilong kalabus sistem bilong yumi i no strong inap.

Em i klia pinis olsem Koreksenal Sevis bai mekim wok painim i go insait long dispela hevi, na aste, Sif Sekreteri bilong gavman, Manasupe Zurenouc i tokaut olsem Nesanel Sekyuriti Kaunsil bai mekim wok painimaut long dispela hevi tu.

Namel long ol dispela biknem raskol, em William Kapis, man husat i bin go pas long ol bikpela wok stil long ol benk long Kerema na Madang, i stap.

Plantilain askim i stap yet long sait bilong hevi dispela wanpela man i kamapim, na sapos i bin gat sampela ol arapela lain i bin helpim em long karimaut ol dispela stil wok bilong em.

Long karim i go het gutpela wok bilong ol polismanmeri long Krismas i kam Nu Yia, nau ol polis bilong yumi long Mosbi i mas hariap na kisim bek ol dispela man.

Na wok painim i mas go insait tu na sekim sapos ol dispela lain i ronawe i kisim helpim long ol bikmanmeri o nogat.

Nau em i namba wan taim Nesanel Sekyuriti Kaunsil i kamaut na autim tingting bilong em long sindaun bilong lo na oda long kantri.

Las yia, i bin gat planti ol ronawe i kamap long kain kain ol haus kalabus long kantri.

Long dispela as tasol, na NSC i bin bung, wantaim tingting bilong kirapim ol wok painimaut na holim pasim ol dispela kalabus man.

Narapela samting i klia tu. Ol bisnis na manmeri long Mosbi i no sindaun gut tumas long dispela taim.

Sapos i gat wanpela samting yumi ol pipel i ken mekim, em bai yumi mas toksave kwik long polis sapos yumi lukim ol dispela man i ronawe long kalabus.

WANTOK
Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.




AIS PASIM: Ol bot bilong pulim pis i sindaun nating. Bikpela kol i kamapim ais long ol wara long ples Stahlbrode klostu long Jemani. Ol i tok ais em i namel long 10 na 15 sentimita. Dispela i holim pasim olgeta bod i anga long bris bilong dispela ples. Olgeta man i save mekim mani long pulim pis i no inap go aut na painim pis moa. (EPA Poto i kam long AAP Images)

GURIA BAGARAPIM HAITI: Ol lain manmeri long ples Haiti i karim wanpela man i kisim bagarap long wanpela 7.0 bikpela guria i bin kamap saut wes long Port-au-Prince long Haiti. Bihain long namba wan bikpela guria, i bin gat tupela moa liklik guria. (EPA Poto i kam long AAP Images)



SAVE KILIM EM: Arran Fernandez, em i wanpela yangpela mangi husat i gat 14 krismas. Tasol em i winim skul pinis na i redi long go insait long skul yunivesiti long Fitzwilliam College long Cambridge Yunivesiti long Ingran. Fernandez bai kamap namba wan yangpela yunivesiti andagraduet bihain long William Pitt, narapela yangpela mangi husat save bilong em i bin bikpela tru taim em i liklik yet. Em i bin go skul yunivesiti long 1773. Nau Fernandez i mas sindaun long fisiks A-level eksam bilong em. Sapos em i kisim gutpela mak long en, em bai go skul long yunivesiti. (AP Poto i kam long AAP Images)



SIA O KAR: Dispela poto i soim wanpela sia bilong sindaun em ol i senisim i kamap wanpela liklik motobaik. Papa bilong dispela sia i tok dispela sia i ken ron inap long spit 70 kilomita. (Poto i kam long AAP Images)





HAT WOK: X-Tensions ben, we Bernhard Schlichting (sindaun baksait) i go pas long en i save wok hat tru long lainim musik na singsing bai ol i ken pilaim gut. Hia ol i prektis long studio bilong ol long Mosbi.

Nogat inap pilai musik na amamas long Mosbi siti

LONG krismas na nu yia taim, Mosbi siti i no bin pairap, na i no bin gat planti bikpela musik konset na pilai.

Bikpela PNG Musik Awots, we Yumi FM na Nau FM na Totol lven Kampani i no bin kamap tu long pinis long las yia, na i no

wankain olsem long 2008 na 2009.

Kapitel siti i bin aiop tru long ol nupela lait na famili amamas samting we Gavana bilong NCD, Powes Parkop i bin kamapim bilong ol manmeri bilong Mosbi siti. Tasol olsem wanem na Gavana

Parkop i no tingim ol musik konset? Ol lain bilong siti i hangere tru long lukim na harim ol laiv ben i pilai musik.

Westap ol bikpela musik festival Pot Mosbi i bin gat nem long kamapim long bipo long taim bilong Krismas na Nu Yia?

Long Nu Yia long 2009, Anslom i bin lonsim Radaaz albam we em i bin rekodim wantaim Patti Doi. Bihain long en, Radaaz i kamap namba wan albam ol manmeri i baim long 2009.

Tasol long Krismas na Nu Yia we mipela i lusim nau tasol, siti i

bin dai liklik.

Lamana Hotel i bin laitim skai bilong Mosbi long nait, wantaim ol paia woks so bilong em. Dis-pela, em ol i save mekim olgeta yia.

■ igo moa long pes 16

BOSCH
CE HARDWARE
SIEMENS

after years of being the leading distributor of

BOSCH
INVENTED FOR LIFE
Power Tools,
BOSCH - SIEMENS
 B/S/H

SIEMENS

has introduced to CE HARDWARE, the

BOSCH - SIEMENS
 range of

SIEMENS

Premium Household Appliances.
Come & Visit our Showroom Today.

JUST ARRIVED

- Washing Machines
- Dryers
- Dish Washers
- Fridges
- Electric Cook Tops
- Gas Cook Tops
- Free Standing Cookers
- Microwaves
- Ovens (Built-In)
- Canopy Rangehoods
- Slimline Cookhoods
- Induction Cook Sets
- Warmer Drawer

... Nogat inap pilai musik na amamas long Mosbi siti

■ ikam long pes 15

Na i bin gat fanresing bilong Bogenvil tu, we wanpela ben bilong ABR o Otonomes Bogenvil Rijen, nem bilong ol Backstage, i bin pilai long Nu Yia Iv stret. Narapela bikpela amamas long tok welkam long nupela yia em lonsim bilong nupela albam bilong Leonard Kania, ol i kolim Missing In Action. Em tasol. I nogat narapela ol bikpela musik festival long makim Krismas na Nu Yia.

Dispela em i samting bilong wari tru, long sait bilong PNG musik indastri.

Olsem na ating yumi mas bungim tingting na skelim gut wanem samting i kamap long daunim ol wok musik bilong ol pipel bilong Mosbi. Em siti we em i asples tru bilong entatenmen na ples we ol namba wan musik manmeri bilong yumi i stap na wok long en.

Long lukluk bilong mi, ol namba wan musik atis bilong NCD i bin draun i go aut long pilai musik long ol arapela taun na siti, we ol i save kisim mobeta pe long en. Na ol arapela, em ol i go bek long ol ples bilong ol long stap wantaim ol famili na hauslain.

Bes gita man bilong X-Tensions ben bilong Mosbi, Bernhard Schlichting, i givim sampela tingting bilong em long wanem ol as tru na ol ben i no moa stap strong wantaim, olsem na i nogat inap profesenel entatenmen.

I gat sampela ol ben i stap husat i save pilai laiv musik long ol konset, na musik bilong ol i wankain stret olsem long studio.

Olsem na ol i save pulim tru ol manmeri long go lukim ol na harim musik bilong ol. Tasol ol dispela ben nau em pairap bilong ol i wok kraik wankain tasol. Dispela tingting nau em i bikpela pret tingting tru.

"Ol musik manmeri tude i save laik kalap kalap tumas i go long wanpela ben i go long arapela, olsem na i nogat pasin bilong wok profesenel musik manmeri na disiplin. Dispela tupela samting i mas stap long kamapim wanpela gutpela musik pafomens," bipo hetman bilong Sirosis i tok. "I no gutpela tu, we, olsem mi yet, mi save givim bikpela taim na mani bilong stiaim na skulim ol musik atis na taim ol i lainim pinis liklik hap long save long pilai, ol i save lusim long wanem ol i ting ol i save pinis long pilai musik."

Schlichting i tok ol gutpela tait na stail musik pafomens, em i save kam long ben we i wok bung wantaim, i save wok hat long ol irihesal na i save strongim ol ben memba bilong em long pilaim gut musik bilong ol manmeri.

Dispela em i pasin Bernhard i save givim long ben bilong em X-Tensions. Ol i mas prektis longpela taim, na luksave long pasin bilong disiplin.

Na sapos ben i no pilaim stret



Tribe of Jubal wantaim Extensions autim wanpela namba bilong ol.



Shydeez



George Telek

wanpela singsing, bai ol i mas mekim gen, na mekim gen, i go i go inap ol ben memba i save pinis na pilaim.

"Ol klab tude i save mekim ol ben i resis long pilai musik, bai ol yet i ken tromoi liklik mani tasol. Sampela klab i save yusim ol profesenel prodaksen kampani, husat i save yusim ol musikman bilong ol yet, o nogat, bai ol i save haiarim ol musik atis husat i nogat taim bilong prektis gut. Ol i save go na pilai tasol, na musik bilong ol i save bagarap tru."

Ian Boas bilong Juice N Jam, i wanbel long toktok bilong Bernhard Schlichting, na em i tok tu olsem sampela ol nait klab i save makim hamas long peim ol musik atis, na i no save baim long mak bilong stail na strong bilong musik ol i pilaim. Ating long sait bilong baset bilong ol tu, planti ol klab i save lukluk moa long ol DJ musik man.

"Sampela long ol 80 veniu na nait klab long NCD we Juice N Jam i glasim, planti long ol bai laikim olsem ol i mas kisim olgeta mani ol i mekim long get fi na bai, na wanem hap liklik i stap, bilong go long ol musik atis, na dispela i no stret."

Narapela hevi Boas i painimaut



Tribe of Jubal

em i nogat wokbung pasin namel long ol atis, na dispela em i sore pasin tru, taim ol musik atis i bilip olsem studio i papa long ol na ol i noken bagarapim nem bilong studio.

"I nogat wanpela i mas bosim ol atis na musikman. Ol i mas gat rait long wok wantaim ol arapela studio, na dispela bai soim klia gutpela wok pasin long sait bilong musik. Dispela samting we nau i nogat."

Boas i tokaut long bikpela bemobile musik konset we i bin pulim ol musik atis bilong kain kain studio na ol i bin wokbung

wantaim gut tru.

Em i bin namba wan taim we ol kain kain profesenel musik atis na ben i bin kam bung wantaim. Ol musik atis olsem Tribe of Jubal, intanesenel rekoding atis George Telek, Shydeez bilong Tumbuna Tracks studio long Madang, na ol nupela boi BJ Nagura husat i kam aninit long Latitude Zero Prodaksens, na Kesema bilong Spaida Traks.

"Dispela so i soim mipela long strong bilong ol PNG musikmanmeri long taim ol i wok bung gut. Maski ol i rekot long ol kain kain studio."



Schlichting i tok planti ol musikmanmeri i nogat masin bilong ol yet, olsem na i save hat moa long ol i mekim ol ben bilong ol yet na sans bilong ol long lainim gut musik na ol singsing na ben lida long strongim pasin bilong disiplin. Olsem tasol na ol musikmanmeri i no kisim wanpela gutpela musik wok. Em nau i nogat planti musik so i kamap long NCD long Krismas na Nu Yia.

Schlichting i tok ating bai gutpela sapos ol studio i sapatim ol yet na ol arapela wantaim planti ol kros promosen olsem dispela bemobile lons, baim na salim ol musik bilong ol arapela studio, na strongim musik insait long PNG.

"Em bai no inap givim planti wok long ol, strong bilong musik bai kamap strong moa, na bai gat planti nupela aidia long kamapim.."

Mi wanbel wantaim tingting bilong Bernhard, na mi ting long dispela sait, mipela i no kamap gut yet. Na mi ting ol naitklab na veniu i mas luksave long ol rabis stendat bilong musik ol i wok long haiarim, na painim ol gutpela ben moa. Pasin bilong ol long mekim ol ben i resis long kisim wok i no gutpela, na i wok daunim musik indastri long kantri.

"Na mi mas tok tu olsem ol lain husat i bin save kamapim ol gutpela musik wok na musik konset, em ol i no moa stap, olsem na dispela tu i mas lukim pundaun bilong musik indastri long kantri. Tude, ol manmeri i nogat bilip long mekim kamap gut musik. Ol i save tok em i hat tumas," Bernhard i tok.

Mi tok AMEN long dispela.

Katikes kamap Pater taim meri bilong em dai

Nicky Bernard i raitim

PATER Alonzo Menemud husat i gat 74 krismas, em i bilong liklik ples Nimoa, long Alotau long Milen Be Provins.

Mama karim em long 1936 na em i marit na gat tenpela pikinini na 7-pela tumbuna.

Pater Alonzo i wok olsem Katekis long liklik ples bilong em Nimoa inap 35 yia olgeta. Meri bilong em wantaim ol pikinini i save helpim em gut long dispela wok katekis.

Long 1973 i kam long 1974, Pater Alonzo i kam long wanpela skul bilong ol katekis long Mosbi. Dispela skul i bin helpim em moa long wok bilong em olsem katekis.

Long 2001, meri bilong em i dai, tasol em i no stopim em long wok bilong lotu. Em i strong yet na stap olsem katekis.

Long 2005, ol peris i gat wanpela miting long liklik ples bilong em long Nimoa, na long dispela taim ol i askim em sapos em i laik marit gen o nogat.

Em i tokim ol olsem em i lapun pinis na em bai mekim wok lotu tasol na stap.


Dispela yia Pater Yang i bin go long ples bilong Pater Alonzo na askim em long kam long kos o skul gen long Mosbi. Dispela skul o kos inap 6-pela mun trasol na em pinis na go bek long ples.

Long mun Desemba long sem yia, Bisop Pampido makim em i kamap dikon, em i tren long mekim misa, askim bikman long rausim sin bilong ol manmeri, givim holi komunio na sampela wok bilong ol pater save mekim inap tupela yia olgeta.

Long 2007 Ogas 1, Bisop i mekim o makim em kamap wanpela pater bilong Nimoa, em i stap aninit long Alotau Daiosis, na em i wok olsem Pater 4-pela yia nau.

Em tok em i lapun long yia, tasol em yangpela olsem Pater. Em i tok tu olsem em i no kam long skul bilong pater we ol save lainim planti samting olsem rit na rait, tasol em i wokim wankain wok ol pater save mekim nau.

"Mi tren katekis, na mi wokim wok bilong God longpela taim, olsem na bikman yet i givim mi olgeta save long mekim wok bilong em olsem Pater," Pater Alonzo i tok.



KARIM NEM PATER: Pater Alonzo Menemud, 74 krismas, i bin marit, tasol meri bilong em i dai lusim em na nau em i pater bilong Nimoa long Alotau Diocese long Milen Be provins.

Em tok tu olsem, taim Bisop i askim ol pikinini bilong em long em i kamap Pater, ol pikinini bilong em i tokim Bisop olsem ol i

givim papa bilong ol i go long bikman long mekim wok bilong em.

"Ol pikinini na tubuna bilong mi save helpim mi gut tru long wok bilong lotu, taim mi laik go mekim misa o lotu long narapela ailan, ol pikinini na tumbuna bilong mi save kam wantaim mi, ol bikpela save ronim moto na ol bubu bilong mi ol save kamap alta boi long wanem hap mi go mekim lotu long en," Pater Alonzo i tok wantaim na lap.

Em tok em i lain sampela nu-pela samting long dispela ritrit bilong ol Pater bilong ol Papua Niugini na Solomon Ailan long Bomana autsait tasol long Pot Mosbi.

Wantok Niuspepa i kisim stori bilong em long taim ol mekim laspela de misa long Bomana long Fraide wik i go pinis.

OL I BUNG: Dispela poto i soim olgeta pater long kantri husat i bin kamap long kibung bilong ol long Bomana autsait tasol long Mosbi siti. Pater Alonzo i sindaun long skru long rait han sait.

Ol Poto: Nicky Bernard



YUMIFM Redio Program

Program bilong Wanwan De Mande - Fraide

6am - 10am - Sankamap show - Host: KAS.T
 6:15am - Komuniti Notis Bod
 6:30am - Nius Hettlains / Bondei grittings
 Trukai Rais - GES FAIA KOMPETISEN
 6:45am - Niuspepa Hettlains
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting

8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hettlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM

2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - Nius - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hettlains
 4:45pm - YUMI PANIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT

9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Weekend Shift - Saturday & Sunday
 6:00am - 11:00am - Wiken Sanrais
 6:30am - Komuniti Notis Bod - Bondei grittings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifee - Team Leader / Program Director
 Angra KENNEDY - Senior Announcer

RADIO AUSTRALIA TOK PISIN PROGRAM
 HARIM LONG: 101.9 FM

Radio Australia Tok Pisin Program - MANDE

Moning - Nait

6AM Stesen Op - Nius Hettlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.05PM O' Hettlain na Program Priviu
 7.15PM Musik na Chit Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM Nius
 8.40PM Wama Graun Riplei
 8.55PM Musik
 9PM Stesen Pas

TRINDE

Moning - Nait

6AM Stesen Op - Nius Hettlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.05PM O' Hettlain na Program Priviu
 7.15PM Musik na Chit Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM Nius
 8.40PM Wama Graun Riplei
 8.55PM Musik
 9PM Stesen Pas

FONDE

Moning - Nait

6AM Stesen Op - Nius Hettlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.05PM O' Hettlain na Program Priviu
 7.15PM Musik na Chit Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM Nius
 8.40PM Wama Graun Riplei
 8.55PM Musik
 9PM Stesen Pas

FRAIDE

Moning - Nait

6AM Stesen Op - Nius Hettlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.05PM O' Hettlain na Program Priviu
 7.15PM Musik na Chit Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM Nius
 8.40PM Wama Graun Riplei
 8.55PM Musik
 9PM Stesen Pas

SARERE

Nait

7PM Stesen op - OI Nius Hettlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE

Nait

7PM Stesen op - OI Nius Hettlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

Mobail fon i kamap samting bilong pilai

Nicky Bernard i raitim

PLANTI manmeri na pikinini bilong Papua Niugini i gat mobail fon pinis, long wanem tupela mobail fon kampani long Papua Niugini, i go long olgeta hap long kantri bilong yumi pinis na putim net wok bilong ol long yumi ken ring go long ples.

Nau bai yumi askim yumi yet, i gat pawa tu i go long olgeta hap bilong kantri bilong yumi o nogat? Long wanem, ol mobail fon i gat batri bilong em, na taim ol dispela batri i flet o i go daun bai yumi mas sasim long kisim strong bilong ol batri kam bek.

Nau planti bilong ol skol sumatin na ol pikinini i

gat mobail fon, papa mama i baim na givim ol bilong sekim sapos ol i orait long skol o haus, taim papa mama pinis long ringim ol, ol bai stat long pilai ol sinek pilai o ol gem insait long ol mobail bilong ol, i no long taim bai ol stat painim sasa long sasim mobail bilong ol long wanem batri i flet.

Dispela mekim na ol papa mama i stat les nau long baim pawa, pawa ol baim inap bilong wanpela mun, em bai pinis long tupela wik tasol, long wanem ol pikinini i wok long sasim mobail bilong ol.

Long ples tu olsem, planti taim ol mobail bilong ol batri bilong ol save flet na nogat pawa long sasim mobail bilong ol, ol save

kam stret long taun na sasim na go bek long ples, sapos sampela lain long ples i gat jenereta ol i save putim on na sasim ol mobail na bihain kisim liklik mani ol olsem wanpela liklik bisnis.

Planti manmeri nau i save les long lukim ol bikpela manmeri husat i gat mobail fon i holim na pilai long en, dispela i save hatim bel bilong sampela husat i gat mobail fon.

Mobail i kam long Papua Niugini em bilong helpim yumi long toktok wantaim ol famili bilong yumi o toksave long ol polis, ambelens, long sampela birua, o ol wok lain bilong yumi long sekim yumi long taim bilong wok.

Planti lain bai yu lukim olsem, ol I sindaun was long market bai ol pilai long mobail bilong ol, taim yu askim long prais bilong kaikai bilong ol, bai ol i no inap bekim toktok bilong yu, long wanem het bilong i stap tambolo yet long gem long fon bilong ol.

Planti tu bai yu kalap long bas bai yu harim nois bilong ol gem i pairap i stap, dispela save hatim bel bilong yu sapos yu laik harim musik bilong bas, dispela nois bilong gem bai bagarapim tru laik bilong yu.

Dispela yia em taim bilong LNG projek bai kamap long kantri bilong yumi, planti mani bai ron nambaut, tasol tingim ol papamama, prais bilong ol samting bai no inap stap wankain olsem yu baim long yia i go pinis, prais bilong mobail fon bai klap liklik go antap, prais bilong pawa yu usim bai kalap liklik go antap, prais bilong kaikai bai kalap i go antap.

Nau em taim bilong skulim ol pikinini bilong yumi, taim yumi givim ol mobail em bilong toktok wantaim ol na sekim ol sapos ol stap orait long skol o haus, taim yumi pinis long toktok wantaim ol tokim ol long noken pilai long fon long wanem batri bai flet na bai yumi westim pawa long sasim gen.

Tingim tasol tu olsem fon kampani em mekim fon bilong ring go kam, i gat ol sampela kampani tu i mekim gem bilong pilai olsem mobail fon.



MOBAIL FON: Sekim husat i ring! Tude mobail fon i stap long han bilong olgeta femili bilong haus. Ol lain husat i maketim buai arere long rot o maket tu bai gat mobail fon. *Poto: Nicky Bernard*

EMTV Television Guide

FONDE JANUERI 14, 2010

5.00AM G JOYCE MEYER - Religious Program
 5.30AM G TODAY
 9.00AM G MALOLO CLUB
Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cybershak; The Saddle Club, Madigan's Quest, the fun and energetic Rock Eisteddfod competition, movies and lots more
 10.00AM G 3rd TEST
 DAY 1: AUSTRALIA v PAKISTAN
Join your expert commentary team for all the cricket action from the Bellerive Oval, Tasmania..
 11.30AM G THE CRICKET SHOW
Join Simon O'Donnell for all the latest news, updates and analysis of the day's play along with special guests live in the studio.
 12.00PM G AUSTRALIA v PAKISTAN
....continues....
 5.29PM G EMTV NEWS UPDATE
 6:00PM G NATIONAL EMTV NEWS
 6:30PM G A CURRENT AFFAIR
 6:59PM G NEWS UPDATE IN TOK PISIN
 7:00PM PG AUSTRALIA'S FUNNIEST

HOME VIDEOS - DAILY EDITION

7.27PM EMTV TOK SAVE
 7.30PM PG SUPERSTARS OF DANCE
Superstars of Dance welcome the world's greatest dancers from around the world to compete in an exhilarating, international dance competition. The stakes are high as the teams are not only representing themselves, but also their dance form and their entire nation. (Series Premiere)
 8.30PM M RESCUE: SPECIAL OPS
In this brand new Aussie drama, the members of Australia's most elite rescue unit rely on courage, mateship and extreme skills as they risk their lives to save others. Stars Peter Phelps, Libby Tanner, Les Hill, Gigi Edgley, Daniel Amalm, Katherine Hicks, Andrew Lees.
 9.30PM M THE STRIP
 10.30PM G NATIONAL EMTV NEWS REPLAY
 11.00PM G THE KING OF QUEENS
 11.30PM Australia Network

FRIDAY, JANUERI 15, 2010

6.59AM G STATION OPEN
 7.00AM G JOYCE MEYER: Enjoying Every Day Life
 9.00AM G MALOLO CLUB

Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cybershak; The Saddle Club, Madigan's Quest, the fun and energetic Rock Eisteddfod competition, movies and lots more

10.00AM G 3rd TEST
 DAY 2: AUSTRALIA v PAKISTAN
Join your expert commentary team for all the cricket action from the Bellerive Oval, Tasmania..
 11.30AM G THE CRICKET SHOW
Join Simon O'Donnell for all the latest news, updates and analysis of the day's play along with special guests live in the studio.
 12.00PM G AUSTRALIA v PAKISTAN
....continues....
 5.55PM G CRIME STOPPERS
 6:00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM PG AUSTRALIA'S FUNNIEST
 HOME VIDEOS - DAILY EDITION
 7.27PM EMTV TOK SAVE
 7.30PM PG SECRET MILLIONAIRE:
 8.30PM M 20 TO 1: Scorching Screen

Moments"

9.30PM M SEA PATROL III:
 10.30PM G NATIONAL EMTV NEWS REPLAY
 11.00PM PG THE KING OF QUEENS
 11.30PM Australia Network

SARERE JANUERI 16, 2010

8.29AM STATION OPEN
 9.00AM G 3rd TEST
 DAY 3: AUSTRALIA v PAKISTAN
 11.30AM G THE CRICKET SHOW
 12.00PM G AUSTRALIA v PAKISTAN
....continues....
 5.30PM G MXTV
 6.00PM G NATIONAL EMTV NEWS
 6.30PM PG WIPEOUT (New Series)
 7.27PM EMTV TOK SAVE
 7.30PM G OUR CHILDREN OUR HOPE
 OUR FUTURE - A short video film on The Early Childhood Care Development Policy developed to provide guidelines for co-ordinated approaches by relevant partners in the areas of curriculum development, parental & child care responsibilities.
 7.57PM EMTV TOK SAVE
 8.00PM PG GHOST WHISPERER

9.00PM PG THE SENSITIVE SAMURAI
A classic samurai drama, set in the 18th century; tragedy, honour, revenge, love, tears, laughter and swordsmanship extraordinary. The hero Matachiro flees to Edo (now Tokyo) after becoming embroiled in a feud and killing his sweetheart's father. He finds work as a bodyguard, but spends a good deal of his time defending himself. He even crosses paths with the real-life "forty-seven ronin," who are seeking revenge for the forced suicide of their lord. Meanwhile, Matachiro cannot forget his sweetheart back home.
 10.00PM M UNDERBELLY:
A Tale of Two Cities
 11.00PM G NATIONAL EMTV NEWS REPLAY
 Midnight Australia Network

SANDE JANUERI 17, 2010

6:30AM G IT IS WRITTEN: "Modern-Day Miracle in Paradise"
It Is Written is an international, Christian television ministry dedicated to sharing insights from God's word with people around the world.
 7.00AM G HILLSONG
 9.00AM G 3rd TEST

Raun wantaim Kanage olgeta wik



long ofa i kam. Isi tasol em i kirap na go long pater. Pater i lukim na em i tok, "Pikinini olsem wanem?"

Ayo pater, plis stop stop. Plis mi lus tingting na givim olgeta koins bilong mi long ofa. Mi laik givim K2 tasol mi abrus na putim olgeta i go insait. Plis givim mi tasol K10 na yu ken holim K2. Em ofa bilong mi.

Na pater i tok, "Yu givim pinis long bikman pinis." Na Kanage kirap na tok olsem, "Yu tupela bikman save givim mi moni ah. Givim K10 blo mi kam bek nau tasol."

Wally Anis
Maunt Hagen

Tok Inglis i kisim tripela poro i go long kalabus

NEM bilong ol em Fafti, Yokomo na Kanage. Ol i no save long tok Inglis na ol i save stap long ples tasol. Wanpela taim ol plen long go long taun long lainim tok Inglis. Fafti go pas long taun, long taun em harim ol man tok, "3 of us", em lokim tasol long het na kam long ples. Neks de Yokomo go long taun na kam wantaim tok Inglis, "Because of money". Laspela man long go long taun em Kanage na em i kam bek wantaim tok Inglis bilong em, "Lets go". Potnait Fraide kam na tripela laik traim tok Inglis bilong ol na ol i go long taun. Long rot ol raskol kilim wanpela man na kisim mani bilong em na ronawe, na tripela brada go kamap long hap we man i dai stap. I no long taim polis kam kamap na askim ol, "Who killed this man?"

Fafti tok, "3 of us", Polis askim gen, "Why did you kill him?" Yokomo bekim, "Because of money", Polis bel hat na tok, "You want me to take you to jail?" Kanage ansarim, "Lets go, na polis kisim tripela go long kalabus."

Sims 4Mile,
Popondetta
Awara Tasol

'Earthquake Man'
KANAGE em bilong ples Motonau long Not Kos Rot long Madang. Em i raunraun na em i hangre nogut tru na em go long haus na nogat kaikai. Isi tasol Kanage i stilim pis bilong meri bilong em na laik stat long kaikai i stap na wanpela poro kam na kolim nem bilong em, em guria nogut tru na laik tok yu mekim na mi guria na em abrus na tok, "Yu make me and i earthquake ya."

Poro harim na tok stil man wantaim rong tok pisin.

Freda Melchior
Motonau, Madang

Man o wara i toktok?

KANAGE i kisim wara go na em i harim olsem ol i wok long senisim presen na tok meri krismas na hepi niu yia na amamas ol yet na tok na sekan i go i kam

long soim amamas bilong ol wantaim krismas na hariap tasol em tok mi mas go hariap long haus na gritim meri bilong mi tu.

Taim em kamap long haus em holim meri bilong em na tok, "Where is my christmas?" meri kirap nogut long harim dispela tok na em i bekim, "Yu kilia, long long man. Man tru toktok o wara toktok"

Freda Melchior
Motonau, Madang

singsing na tu em i wok long singsing wantaim na taim ol i karim basket bilong putim ofa, Kanage kirap tasol na putim olgeta koins bilong em i go insait long basket.

Na, taim bilong karim ofa i go long pater na em i tingim olsem em i putim olgeta koins bilong em i go insait long basket.

Em i wok long tingting long hau long kisim bek K10 bilong em na pater i stat long beten

'Pater, plis stop pastaim'

WANPELA Sande, Kanage i bin go long lotu na em i karim K12 i go long lotu. Em i tok olsem, em bai putim K2 long ofa na K10 bai em baim kaikai long maket.

Taim bilong ofa nau na ol yut wok long singsing i stap long kisim ol ofa bilong ol manmeri i stap. Kanage em bisi long harim ol

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Bai yu i gat sans long winim "Raitman Kanage"
†-siot!

NEM: Robert Simeon
KRISMAS: 26 (man)
ADRES: P.O Box 345, Lae, Morobe Province
SAVE LAIKIM: Harim lotu singsing, ritim Baibel na wokim gaden

NEM: Oscar Simon
Krismas: 26 (man)
ADRES: P.O Box 711, Kimbe.
SAVE LAIKIM: Mekim pani, ritim buk, harim nius na go lotu.

NEM: Ben Brumba
KRISMAS: 18(man)
ADRES: Mingede Catholic Church, P.O Box 71, Kundiawa, Simbu Province.
SAVE LAIKIM: Go lotu, mekim pren, na raitim pas

NEM: Nicky Sienevi
KRISMAS: 17 (man)
ADRES: Don Bosco Secondary School, P.O Box 327, Vanimo, Sandaun Province
SAVE LAIKIM: Lukim TV, harim musik, na mekim pani.

NEM: Liberth Waiomb
KRISMAS: 18 (man)
ADRES: Brandi, P.O Box 180, Wewak, East Sepik Province
SAVE LAIKIM: Pilai spot, go lotu, raitim pas, stori na go skul

NEM: Ozy Mare
KRISMAS: 18 (man)
ADRESS: P.O Box 205, Mendi, SHP
SAVE LAIKIM: Pilai ragbi, pilai gita, go lotu na lukim TV

NEM: K Fox Imo
KRISMAS: 21 (man)
ADRES: P.O Box 97, Kiunga, Western Province.
SAVE LAIKIM: Pilai soka, mekim haus, huk, harim musik, na mekim gaden

NEM: Amos Michael
KRISMAS: 17 (man)
ADRES: P.O Box 213, Mount Hagen, Western Highlands Province
SAVE LAIKIM: Raitim pas, ritim buk, harim musik, go lotu na mekim pani

NEM: Ben Simon
KRISMAS: 21 (man)
ADRES: P.O Box 4919, Lae, Morobe Provins
SAVE LAIKIM: Raunraun, pilai spot na raitim

NEM: Noma Somoe
KRISMAS: 18 (man)
ADRES: P.O Box 264, Kiunga, Western Highlands Province
SAVE LAIKIM: Go lotu, pilai basketbol, na harim musik

Painim Tok! Raitim daun wanem pani samting yu ting i gutpela insait long babol long potu...

BAI YU WINIM WANPELA WANTOK T-SIOT O LAPLAP!

Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Nem:..... Adres:.....

Krismas bilong yu:..... Telepon:.....

Yu baim Wantok niuspapa long wanem hap:.....

(Rot, Maket, Stua).....

Katim long his

Ol Wampar papagraun no laikim wok maining

Michael Novingu i raitim

OL papagraun bilong Gabensis, Mare, Dagin, Labu, Butu na ol arapela ples i stap insait long Wampar lokol level gavman eria long Morobe provins i no laikim wok maining i kamap long graun bilong ol.

Ol i tok wok maining bai bagarapim graun bilong ol we i save lukautim sindaun bilong ol long nau, na tu bihain taim bilong ol pikinini bi-

long ol. Distrik Administreta bilong Huon Galp, Toni Ase, i tokim wanpela kibung bilong ol wantaim ol woklain bilong Morobe maining, olsem ol pleslain long Gabensis i no bin wanbel long kibung i go het long kirapim wok maining long graun bilong ol.

Mista Ase i tok ol papagraun i no wanbel long wok maining i kamap long graun bilong ol, ol i kros, tok nogut long mipela wantaim ol woklain bilong Morobe

Maining Kampani na rausim ol long ol i noken stap long hap bilong ol.

"Em i bihainim wanpela ripot ol i kisim long CRA kampani long 1970, i soim olsem i gat gol na kopa i stap aninit long graun bilong ol, tasol i nogat wok painimaut i kamap long soim olsem gol, kopa na arapela mineral i stap long graun bilong ol," Mista Ase i tok.

Em i tok nau yet, nogat sempel o piksa bilong ol gol na kopa i stap inap ol i karimaut wok

painimaut long lukim olsem ol dispela samting i stap aninit long graun bilong ol.

Wilson Belepuna i tokim ol ples lain long kibung bilong ol, olsem wok maining bai no inap go het inap wok painimaut bilong ol i soim klia olsem i gat gol na kopa i stap aninit long graun bilong ol.

Mista Ase i tokim ol ples lain olsem, "disisen yupela i mekim nau bai bagarapim sindaun bilong ol pikinini bilong yupela long bihain taim."

Wara Bot tok wara hevi long Lae bai pinis klostu

Michael Novingu i raitim

OL hevi bilong wara saplai we i bikpela long Lae siti, nau bai nogat.

Dispela toktok i kam long PNG Wara Bod Bosman Patrick Amini, husat i tok klia olsem ol i gat samting olsem K8 milian i stap pinis we ol i ken yusim long stretim hevi long nogat wara long Lae.

Mista Amini i tok ol i painimaut pinis as long ol hevi bilong wara, na dispela mani bai ol i yusim long kirapim projek long dispela yia long stretim dispela wara hevi.

"Mipela i putim wantaim wok

plen long stretim long hap bilong pamim wara, i go long hap bilong salim i go long ol lain i save yusim wara.

Long dispela plen, mipela bai putim stenbai jenereta, stretim pawahaus, ol paip na arapela samting long pamim wara i mas ron stret i go long ol bisnis, na arapela lain i save yusim wara.

Mista Amini i tok bikpela hevi ol i gat em hevi bilong pawa we i save lukim wara i stop taim pawa i nogat.

Tasol em i tok ol i toktok pinis watnaim ol woklain bilong PNG Pawa long wok bung wantaim ol long stretim hevi bilong wara na pawa bai noken kamap.

Bogenvil i gat kopi

Bustin Anzu i raitim

OTONOMES Rijen bilong Bogenvil nau i gat bikpela tingting long mekim wok bilong kopi, bihain long gavman i pasim toktok wantaim Kopi Industri Koporesen Limited (CIC).

Tupela i bin kamap long wanpela tingting o pasim toktok (Memorandum ov Agri-men) namel long Otonomes Bogenvil Gavman (ABG) bilong Bogenvil na CIC na tingting long sainim ol pepa klostu taim.

Niusleta bilong NARI o Nesenek Agrikalsa Rises Institiut i tok dispela agri-men em long kamapim olsem kopi bai kamap olsem narapela kaikai bilong salim na kisim mani na sapotim ekonomik divelopmen long rijen.

Aninit long dispela tingting long MOA, ABG bai mekim mani i redi long 'Kopi Divelopim Projek' insait long rijen taim CIC bai saplain ol wokman husat i gat save long wok bilong kopi. CIC i bin kamapim wanpela kopi plen we ol i redim bilong Otonomes Bogenvil Rijen.

Bihain long holim sampela miting wantaim ol politikal lida long rijen, Sif Eksekutiv bilong CIC, Ricky Mitio, nau yet i nogat wok bilong kopi long Bogenvil olsem na bai ol i stat wantaim 'graun ziro level' wantaim neseri bilong kopi na planim kopi sid.

Niusleta i tok bihain long dispela, rijen i ken planim, stretim maket na rejistaim ol yet olsem wanpela 'nupela ples' aninit long CIC plen bilong ol. Dispela nupela wok divelopmen bilong kopi em mas kamap namel long 5-pela yia olsem:

Yia	2010 - 2011	-	Neseri na planim
	2011 - 2012	-	Prodaksen
	2012 - 2013	-	Prodaksen
	2013 - 2014	-	Prodaksen na kisim igo long fektori na
	2014 - 2015	-	Ekspot

Presiden bilong Otonomes Bogenvil

Gavman (ABG), James Tanis, i amamas long dispela tingting long kopi i go long provins bilong ol olsem wanpela namba tu kaikai bilong ol we bai mekim ol i kamapim bek laip bilong ol pipel bilong Bogenvil.

Olgeta Rijinal komanda (Not, Saut na Sentral Bougainville) i mekim wankain tok amamas bilong ol i go long dispela tingting bilong gavman bilong ol wantaim CIC we em bai kamapim nupela rot bilong mekim wok bilong kopi na ol dispela komanda bai kamapim intenol reveniu long strongim ikononi.

Panguna Distrik Eksekutiv Menesa Otto Nouka, i tok dispela longpela pait i mekim na nogat man or meri i tingting long wokim gaden long painim mani long lukautim ol yet.

Distrik i nogat kes krop olsem kakao o kopra long mekim mani bilong ol yet na bikpela ples maunten i kamapim graun em gutpela long mekim wok bilong planim Arabika kopi.

Nau yet, ol manmeri long ol distrik save stap long ol liklik wok maining olsem aluviel maining na ol liklik kumu prodaksen.

Sentral Bogenvil bai kamap olsem senta bilong Arabika kopi bilong Bogenvil bihainim dispela MOA.

Mekamui gavman i gat wankain tingting na singautim CC long wok klostu wantaim ol pipel long kirapim bek laip bilong ol.

Trena bilong ol trena long kopi i bin holim wanpela woksop long Buka na Arawa taun, olsem namba wan step bilong dispela kopi projek.

Minista bilong Divisen bilong Praimeri Industri (DPI) long Otonomes Rijen i askim olgeta manmeri long mekim wok bilong kopi long wanem, i gat bikpela pret bilong sik bilong Kakao, kakao pod bora.

Em i tok DPI insait long rijen i mas tingting strong long divelopim wok bilong kopi insait long ples bilong ol.



KOPI: Kopi: Yu lukautim kopi, kopi bai lukautim yu. Fail poto

Hatwok em i poroman bilong gutpela bisnis

Paulus Tali i raitim

WOK bisnis, bai no inap kamap gut sapos yu nogat gutpela menesmen long ronim, na pasin bilong hat wok.

Wantok Niuspepa i bungim wanpela bisnisman long Hagen, nem bilong em Bill Goimaba.

Em i wanpela man bilong Dei kaunsel eria.

Bihain long em i bin mekim menesmen kos long Madang, em i bin wok longpela taim olsem hatwe menesa long Mosbi, Lae, Sauten Hailans, na em i gat samting olsem 25 yia save long wok hatwe.

Long 2001, em i bin rejistaim liklik kampani bilong em yet na em i opim bisnis long Kundiawa.

Nau bisnis bilong em i sanap klostu long Famset hatwe kampani we em i save salim ol dabol bet, singol bet, launs sia, na kain kain ol arapela sia na tebol na samting bilong haus.

Bill i save kisim planti oda bilong hatwe

i kam long Enga, Sauten Hailans, Simbu na Westen Hailans.

Em i gat 7-pela wokman, ol i mekim wok joinari, na ol i mekim sampela bikpela projek pinis olsem sanapim ol klasrum long Kitip Lutheran Hai Skul.

Bill yet i tok ol i ken mekim ol kain kain pemanen haus, na prais bilong ol i orait long ol manmeri long peim.

"Sapos yu husat i laik mekim pemanen haus, yuk am long PINJA, we mipela i sip moa, na i no dia olsem Brian Bell, na ol arapela hatwe," em i tok.

Bill i marit, na em i gat 7-pela pikinini. Em i tokim Wantok Niuspepa, olsem em i laikim gavman i mas lukluk long sapotim ol liklik bisnisan.

Em i tok prais bilong ol samting long hatwe stua bilong em i no antap tumas. Prais bilong dabol bet em K550. Singel bet em K365. Launs sia em K575, plastik tebol yu ken baim long K275, na tebol bilong haus kuk em K375 tasol.



PAINIM SAPOT: Gol Atek (GA) bilong Pacific Industries i painim wanpilai long givim bal long divisen 6 praivet kampani netbol resis bilong ol long Mosbi las wik Sande. POTO: Andrew Molen.



PAITIM: Boa Tamarua bilong Taora i paitim bal long Mosbi kriket gem bilong ol agensim BNG Poreporena long Colts ovol las wik Sarere. POTO: Andrew Molen.



PAITIM BEK: Lee "Flash" Garap i wok long trening long go bek long Australia long narapela Muay Thai pait bilong em long pinis bilong dispela mun. POTO: Andrew Molen.

Birua Afrika pretim wol kap

PLANTI kantri wok long pret long go long wol kap dispela yia long Saut Afrika bihain long birua i kamap long soka tim bilong Togo long hap las wik we tupela pilaia i dai.

Sampela rebel i bin sutim roket i go insait long dispela soka taim na i kamapim hevi long ol.

Dispela tim i bin kamap long Afrika kap ov Nesens soka tona-

men taim dispela hevi kamap.

Em i mekim na planti ol kantri singaunt long Saut Afrika long tok klia sapos ol bai nap long lukautim na ronim Wol kap soka we bai kamap long hap long Jun, dispela yia.

Ol ogenaia long Saut Afrika i tok promis long ol tim olsem ol bai kamapim strongpela wok sekyuriti long taim bilong gem olsem na

ol i noken wari tumas.

Ol i tok i nogat bikipela sans olsem wankain birua bai kamap gen long ol arapela tim husat i kam long pilai long wol kap.

Bosman bilong ogenaiaising komiti, Danny Jordaan i tok ol manmeri mas lukim tru astingting na hatwok bilong kantri bilong em na ol i noken lukluk tasol long samting ol arapela i kamapim

long bagarapim nem bilong ol.

Saut Afrika i stap long bikipela hap graun ol i kolim kontinen (Continent) we planti arapela kantri tu i stap long len.

Dispela kontinen em Afrika (Africa).

Jordaan i tok sapos wanpela samting i kamap insait long Afrika kontinen, em i kamap long wanpela hap tasol na ino min olsem

olgeta hap bilong en i wankain.

"Dispela hevi we i kamap long Angola em bilong Angola yet na i nogat wanpela hevi bilong en wantaim Saut Afrika," em i tok.

"Em i nogat wanpela hevi tu long sait bilong wol kap long Saut Afrika," Jordaan i tok.

Gavman bilong Saut Afrika bai putim inap \$200milien long wok sekyuriti bilong wol kap.



ROP: Medley no bin inap long kam bek na winim Mundine husat i winim olgeta raun.

Mundine mekim save long Medley

ANTHONY Mundine i mekim save stret long Rob Medley long pait bilong tupela long dispela wik Mande nait long Sydney Entetenmen Senta.

Mundine i kamapim strongpela pait na i no givim sans long Medley long kam bek we i lukim em i win long poin.

Em i soim moa sais, spit na strong long daunim Medley husat i sanap strong inap long laspela raun.

Ol jas i givim skoa long Mundine long dispela pait i go olsem; 117-113, 117-115 na 117-112.

Tasol Mundine i bilip olsem em i bin skoa moa poin long dispel ol jas i givim.

"Mi i save mi pait gut moa tasol mi no save ol jas i mekim wanem i stap?" em i tok long ol nius ripot.

"Em i no givim wanpela pen long mi tu, mi laik nok aut long em tasol em i soim tu olsem ol em trening gut na i fit na i kam pait,"

Mundine i tok.

Tupela i no bin pait long wanpela wol taitol tasol em i bin namba 15 win bilong Mundine.

Laspela taim em i bin lus em long 2005 agensim Mikkel Kessler.

Mundine husat i winim wol taitol tripela taim pinis i no lus yet inap 5-pela yia nau.

Ol i bin laik pait long IBO lait midol weit (light middleweight) wol taitol bilong Mundine tasol i senisim na i pait tasol long WBA intanesenel midol weit (International Middleweight) taitol bilong em.

Mundine nau i gat 38 win na tripela lus tasol na narapela pait bilong em bihain long dispela nau em bai agensim Garth Wood husat tu i save pilai ragbi lig bipo.

Wood i bin winim Kariz Kariuki long kisim sans long paitim wantaim Mundine.

Dispela i bin namba tri lus bilong Medley husat i gat 27 win long rekot

bilong em.

Medley tu i pait strong na i winim sampela sapot taim em i putim wanpela gutpela han long het bilong Mundine long namba 5 raun tasol Mundine i no lusim tingting bilong em na i sanap strong yet.

Mundine i salim Medley go pas long rop long kona wantaim wanpela han long bel bilong em wanpela minit i go insait long namba 6 raun tasol em tu i no pundaun.

Medley pait strong tu long raun 9, 10 na tu long laspela raun we em i tromoi sampela gutpela han tasol Mundine i bekim olgeta gut tru long em.

Mundine i tok em i laik win long nok aut long dispel pait tasol em i no bin kamap.

"Mi laik mekim wanpela nau nait tasol ating mi traim hat tumas," em i tok.

Laspela taim Mundine i win long nokaut em long 2007 agensim Jose Alberto Clavero.

Hodges bagarapim lek, Broncos wari

JUSTIN Hodges i brukim wanpela masol long lek bilong em long trening las wik Sarere we i luk olsem em bai no inap pilai gen dispela yia.

Brisbane Broncos i wari olsem wanpela gutpela pilai bilong ol bai no inap stap dispela sisen tasol Hodges i kisim operesen long Tunde dispela wik na tim i bilip strong olsem em i ken pilai gen sampela taim long 2010 yet.

I gat bilip em inap stap nating inap 6-pela mun olgeta o moa.

Sapos em i orait hariap, Hodges bai no inap pilai planti gem yet long dispela yia bilong wanem em i mas kisim sampela moa taim gen long orait gut moa.

Hodges i bin kam bek long trening wanpela wik i go pinis na i kisim bagarap long laspela wik bilong trening bipo long ol prisisen pilai stat.

Em bai no inap stap insait long stet ov orisin dispela yia na planti bilip tu olsem ol Broncos tu bai painim hat liklik.

"Em i wok long ron isi go na kirap nogut, em i kamap tasol," Broncos kosa, Ivan Henjak i tok long ol nius ripot long hevi bilong Hodges.

"Em i no ron spit tu, i luk olsem bikipela bagarap olsem na em i mas kisim operesen long stretim," Henjak i tok.

"Em i wanpela sinia pilaia bilong mipela na dispela em i bikipela hevi bilong tim tu," em i tok.

"Wanem tim i gat kain pilaia olsem Justin Hodges tu bai painim hat liklik sapos em i kisim bagarap na i no pilai wantaim ol tu.

"Yu no inap painim narapela husat bai wankain stret olsem em," Henjak i tok.



BAGARAP: Hodges bai no inap pilai 8-pela mun.

Em i tok ol i bilip em bai no inap pilai 6-pela mun tasol ol dokta i tok bihain long operesen long Mande nait olsem Hodges bai wet inap 8-pela mun bipo em i ken pilai gen.

Dispela i orait tu long ol Broncos bilong wanem em bai kam bek klostu long taim bilong fainols resis.

Broncos i lusim pinis Karmichael Hunt husat i go long AFL na nau ol i mas senisim bek lain bilong ol gen.

Ol i lukluk long putim Steve Michaels i go long lephan senta na Israel Folau bai go long ples bilong Hodges long raithan senta.

"Mipela i lukim olsem Folau em i rait man long kisim ples bilong em," Henjak i tok.

Em i tok ol i gat planti ol arapela yangpela pilaia i stap husat i ken sanap

long fulbek long ples bilong dispela tupela man.

I gat ol arapela senis i kamap long beklain bilong ol tu we i lukim bipo Paramatta hap bek, Tim Smith bai poromanim Darren Lockyer long namel.

Smith i kam bek long tim bihain long em i go pilai liklik long Supa Lig long Inglen.

"Tim i wok long ron gut na mipela i amamas long em i stap long tim," Henjak i tok.

Em i tok tu olsem Lockyer i wok long tingting yet sapos em bai lusim wok long pilai bilong Australia na Queensland na stap tasol long klap level.

"Em i no wokim tingting bilong em yet, nau tasol em i kam bek long trening olsem na mipela bai sindaun na toktok wantaim long dispela bihain," Henjak i tok.

Divelopim potato long ples

Bustin Anzu i raitim

WANPELA bikpela wok bilong wok fama long planim ol kumu na potato i bin kamap long Alkena insait long Tambul distrik long Westen Hailans provins long las yia.

Ol fama long ples i bin kam bung, witesim na amamas long lonsim bilong MKL Vegetable Farming Group aninit long projek taitol we ol i kolim long "Developing a Sustainable Potato and Vegetable Production in the Tambul Valley - WHP".

Dispela MKL Vegetable Farming Group em wanpela nupela komuniti inisativ we fama Maktol Oke, wanpela man husat i save planim poteto na wanpela sit growa long Apa Kaguel eria long Tambul.

Oke, wanpela siaman bilong dispela MKL grup i tok dispela impek prosek bilong 68, 000 manmeri bilong Tambul Nebilyer llektoret i tok dispela prosek bai kirapim ol fama insait long ples bilong ol long mekim wok didiman na tu senisim laipstail bilong ol manmeri long ples.

Em i tok dispela wok o prosek

bilong ol em i gat luksave bilong Memba bilong Tambul Nebilyer, Benjamin Poponawa, Maunten Giluwe Lokol Level Gavman, distrik administresen, Luteran sios, ol lidaman long ples na ol fama.

Poponawa i bin sapotim dispela lonsim wantaim K6000 na Gavana bilong Westen Hailans Tom Olga, i bin givim K20, 000 olsem kaunta pat fanding bilong ol wok divelopmen bilong bihain taim.

Tasol bikpela samting em dispela grup i bin kisim bikpela helpim long Nesenel Agrikalsa Rises Institut o NARI na Fresh Produce Development Agency (FPDA), we i go pas long dispela.

Oke i tok Alkena Luteran Sios i redim graun bilong dispela projek we ol kamapim olsem wanpela Sentral risos senta bilong sit multiplakesen na salim o givim i go aut long fama insait long eria bilong, Westen Hailans na ol narapela fama insait long kantri we ol i save planim potato.

"Dispela senta em bai ol i yusim long trenim ol fama, praktikol wok na skelim infomesen we ol lain husat i givim dispela sevis olsem NARI, FPDA na provinse

divisen bilong Praimeri Industri," em i tok.

Dispela grup em i wok bung bilong ol manmeri long ples, gavman ejensi (NARI NA FPDA), sios na dispela divelopmen bai lukim ol manmeri bilong Tambul Nebilyer bai benefit long em.

Taim em i tok tenkyu long ol sapota bilong em long dispela wok, Oke i askim gavman, ol dona ejensi, divelopmen patna na ol lokol atoriti long kam fowet na sapotim dispela tingting we ol i bin kirapim na tu tok sapos ol i luksave na kam long helpim ol, em bai gutpela tru.

Em i tok potato em wanpela namba wan kes krop bilong ol insait long Tambul eria tasol taim sik bilong dispela potato Blait (blight) i kam, em i bagarapim potato na dispela projek bai kamapim gutpela na klin pela potato na givim i go long ol fama.

Tambul distrik em i gat gutpela klaimet long planim ol kain kumu olsem brokoli, koliflaw, kapis na karot long kantri na wanpela namba wan saplaia bilong Maun Hagen wantaim ol kaikai i fres yet long gaden.



BUN YAH: Potato em bun bilong ol pipel bilong Tambul long wanem, em i save helpim ol long sindaun bilong ol. Dispela poto i soim Wod 3 Kaunsela bilong Maunten Giluwe LLG, Sumba Wako, i soim ol potato bilong em. Poto :Bustin Anzu



RAIS: Kain rais olsem em i gutpela.

Rais long Henganofi

Bustin Anzu i raitim

PLANTI manmeri bilong Hailans nau i wok long kaikai rais na i gat strongpela tingting long senisim sampela bus bilong ol na kaukau gaden i go long planim rais.

Rais ol i ting pastaim i save gro long lolen o ples daun olsem long ol nambis ples we klaimet i gutpela stret bilong planim na kaikai. Tasol klaimet senis i senisim planti samting na ol samting we i no save gro pastaim i wok long kamap.

Namagnore Rais Growa Asosiesen (Rice Grower Association) long ples Numuyafove insait long Henganofi, Isten Hailans Provins, i bin lukim han mak bilong ol bihain long lonsim bilong rais bilong ol.

Dispela lonsim bilong wok bilong rais bilong ol i bin kamap long Septemba 2009. Dispela lonsim i bin kamap long opis bilong Dipatmen bi-

long Agrikalsa na Laipstok bilong Isten Hailans provins.

Dispela tingting bilong wok bung wantaim na kamapim wanpela tingting long mekim wok fama wantaim rais i bin kamap wantaim gutpela tingting long wanem, dispela ples em i ples bilong pait insait long distrik.

Man i go pas long dispela asosiesen i tok ol i planim rais long wanem, em i wanpela gutpela wok gaden we ol i ken mekim wok na kisim mani na tu, mekim ol yangpela long noken mekim trabel.

Em i tok tu olsem i gat bikpela laik long planim rais i stap tasol i nogat ol samting bilong wok olsem trakta, gutpela wara sistem, ples bilong wokim trening na trening to long we bilong planim, haves-tim rais na lukautim gut rais. Dispela bai mekim rais prodaksen bai go planti na tu daunim poveti.

Isten Hailans i gat sikspela rais fama grup na Namagnore Rais Growa Asosiesen em i wanpela bilong dispela we i bin stat long 2002 tasol planti i no joinim.

Wanpela fama tasol i strongim kona bilong em na kamapim 5 beg rais. Dispela i kirapim tingting bilong ol manmeri na ol i joinim gen long 2007 na nau i gat 100 fama na ol i divelopim wanpela 5 hekta bilong planim rais.

Tasol ol rais bilong ol i no gro gut long wanem ol binatang nogut na ol narapela samting olsem weta i no gutpela, pait long ples, na i no gat gutpela ol savaman bilong rais i kisim ol long planim rais.

Long 2007, ol i bin kamapim 10-pela beg, long yia antap, 18 na long las yia, ol i kamapim 39 beg na ol i gat tingting long kamapim 50 tan insait long narapela tri yia na 100 insait long 5 yia.

Kakaruk bilong Kerevat

Bustin Anzu i raitim

POLTRI o wok bilong lukautim kakaruk i putim lek pinis long Is Nu Briten provins na luk olsem dispela bai traime long senisim laip bilong ol manmeri long dispela hap.

Bihain long ol i harim olsem sik bilong kakaruk i go bikpela long Newcastle long Australia long 2006, ol i bin stopim wok bilong lukautim kakaruk na dispela i

mekim ol i no lukautim neseri na broila tasol nau i wok long mekim kam bek bilong em.

Nesenel Agrikalsa Kworentin na Inspeksen Atoriti o NAQIA (National Agricultural Quarantine Inspection Authority) i bin wokim tes long Keverat Poltri na tok ol i fri na mas saplaime kakaruk long ol ples we sik bilong kakaruk i bin bagarapim ol.

Long taim bilong kisim nupela

kakaruk, Keverat i bin skelim namel long 12, 000 to 14, 000 kakaruk long ol ples we sik bilong kakaruk i bin bagarapim. Dispela program i bin stat long 2007 na pinis long Julai 2009.

Dispela tambu bilong kakaruk nau i stap taim ol lain long outsait long provins i laik kisim kakaruk i go aut. Insait long ol yet em i orait.

Husat ol lain i tingting long

kisim kakaruk i ken putim oda nau. Australop na ol narapela krosbrid em i gutpela bilong kaikai na kamapim kiau bilong karim nupela kakaruk bebi.

Ol dispela kakaruk em i gutpela long lukautim long ples we weta em i orait olsem long Bitapaka, Is Pomio na Sinivit Lokol Level Gavman long wanem, ol tu i gat ol fama long salim ol kakaruk.

Ol narapela olsem Livuan na

Duke ov York LLG i soim tingting long odarim kakaruk bilong ol kaunsil wod eria bilong ol.

Husat ol lain i laik odarim i ken ringim NARI Kerevat long dispela namba Ph: 983 9145 o salim feks i go long feks namba: 983 9129

Dispela Kerevat Poltri Yunit i bin stat long 2004 wantaim mani i kam long AusAID aninit long Agrikalsa Inovesen Gren Fasiliti Skim.

Spotsman tingim bikpela bilong em

WANWAN man na meri save gat narapela man o meri husat i bin helpim ol long wanpela samting long laip.

Ol i givim skul, i soim ol, ol i lukautim ol na givim stia long ol long wanem samting ol i mekim.

Dispela kain wokbung na pasin i save kamapim planti taim insait long spots na tu ol arapela wok olsem sait bilong mekim musik, kisim piksa, raitim ol buk na stori, lainim long draiv o masol ats na boksing tu.

Em i save kamap planti taim long trening ples na tu long taim bilong pilai.

Planti bilong dispela kain ol lain em ol kosa na trena o ol bikman na meri husat i gat tingting long helpim ol lain i stap aninit long ol.

Hia em liklik toktok bilong spots developmen opisa, Scott Vavine i go long Henry Kila, OBE husat i dai pinis.

Em i gat bikpela respek na luksave long Kila na i tingim em long dispela taim.

"Long Jenuari 4, 2007, Henry Kila i bin mekim mi kirap nogut taim em i givim wanpela pas long mi we i tok orait long mi bai kisim luksave bilong kantri na kwin long 2007 awod bilong nupela yia. Dispela em bilong wok bilong mi wanpela grasruts spots.

"Dispela pas we mi kisim long em i mekim mi nogat strong na mi laik pundaun bilong wanem mi pilim bikpela amamas olsem dispela man i makim ol bikpela bisnis komyuniti na spots na tu ol manmeri bilong pablik i laik givim dispela luksave long mi.

"Mi stil holim yet dispela pas em i givim mi.

"Em i bin wanpela bilong tupela man husat i amamasim mi na givim luksave long mi long dispela wok bilong mi go long kantri, narapela man em bipo bos bilong mi, John Kambuou.



GUTPLA MAN: Kila i luksave long Vavine na i helpim em i kamap gutpela wokman bilong kantri bilong em long spots.

"Bihain long mi kisim dispela pas, mi ringim gen long dispela de yet na tok tenkyu long em long luksave bilong em long wok bilong mi.

"Taim mi tupela toktok yet long fon, em i bihainim gen ol toktok we em i raitim pinis long pas.

"Em i tok; 'Mi amamas long dispela luksave ol i laik givim long yu

na mi givim tok orait.

'Yu no save tingim yu yet tasol i save givim olgeta taim na strong bilong yu long wok bilong yu.

'I gat planti manmeri olsem yu i save wok hat tasol ino save kisim luksave na em i gutpela long yu kisim dispela awod.

"Em i tok moa olsem 'komyuniti spots, grasruts spots na ol ara-

pela kain spots tu i gutpela moa na i gat moa sans long kamap strong bilong wanem i gat kain ol gutpela wokman olsem yu i stap husat ino save tingim yu yet tasol i save tingim gutpela bilong spots na ol arapela manmeri.

"Ol dispela tok bilong em i tok tru na tok klia long pasin na tingting bilong mi long wok bilong mi

na tu i mekim mi pilim daun tru long laip na wok bilong mi.

"Henry Kila husat i bin vais presiden bilong PNG Spots Federesen long dispela taim i bin tokim olsem ol i makim mi long stap insait long PNG menesmen tim i go long Saut Pasifik Gems long Tahiti.

"Dispela raun i namba wan taim tru bilong mi long go long wanpela bikpela intanesenel spots bung long ovasis.

"Em i luksave long wok bilong mi olsem mi bai nap long holim wok olsem wanpela menesa bilong tim long wanpela intanesenel tonamen long ovasis.

"Dispela i gutpela ekspirien long mi bilong wanem em i givim planti save long wok bilong mi.

"Mi gat bikpela dinau long dispela wok i go bek long dispela gutpela poroman bilong mi.

"Long taim ol i makim mi long 1995 inap nau, mi mekim planti kain wok long menesmen na arapela wok long lukautim ol tim ovasis na tu long wok bilong mi yet hia long kantri.

"Em i wanpela man husat i luksave long mi olsem wanpela gutpela man bilong mekim dispea wok na long dispela em i mekim mi yet i luksave long wanem kain wok mi laik mekim long laip na wok bilong mi.

"Henry tasol i mekim dispela long mi na mi no inap tingim narapela husat i mekim wankain.

"Em i skulim mi long sampela ol samting we i helpim mi long wok strong na stap gut long wok bilong mi na tu laip bilong mi.

"Dispela gutpela poroman bilong mi putim planti bikpela samting i go insait long laip bilong mi we i helim mi long stap gut na sanap strong insait long wok na laip bilong mi.

Tenkyu na lukim yu gen Henry Kila, yu ken kisim gutpela malolo nau.

PNG laik kam bek long ragbi sevens

PAPUA Niugini laik putim mak gen olsem wanpela strongpela tim bilong ragbi sevens insait long Pasifik na wol.

Ol i soim dispela tingting bilong ol las yia taim ol i go pilai long Gol kos (Gold Coast), Sri Lanka na Pasifik sevens resis long Tahiti.

Dispela mun bai ol i statim wokabout bilong ol gen wantaim wanpela raun i go long Fiji long pilai insait long "Suva Festival of Sevens" long Jenuari 22 na 23.

Ol i lukim dispela tonamen olsem wanpela pilai

long redim ol long go long bikpela resis long Wellington Sevens long Nu Silan long Febuari 4 i go 6.

Ol selekta i holim bek planti pilai bilong skwad we i go raun na pilai long 2009 na dispela em i namba wantaim bilong PNG long i gat wanpela sevens tim we i nogat planti bikpela senis i kamap.

I gat bikpela bilip long tim we i stap aninit nau long bipo biknem sevens pilaia bilong Fiji na nau PNG kosa, Waisale Serevi.

PNG i bilip olsem aninit

long helpim bilong Serevi bai ol inap long kamapim sampela strongpela salens agensim ol arapela kantri na mekim PNG kamap strong gen long ragbi sevens insait long wol.

Tim i kisim tu Pukpuk winga, David Eri i go bek insait long tim.

Eri bin pilai long Wellington sevens bipo tasol ino bin pilai sevens las yia bilong wanem em i stap pilai long Australia na tu i stap insait long PNG Pukpuk skwat.

Narapela Pukpuk husat ol i kisim i kam bek tu em Alex Haija, Monty Diave na bipo PNG etletiks pilaia, Albert Levi Junia.

Skwat i stap long trening nau em; Haija (kepten), Diave, Lawrence Kuso, Elizah Riyong, Benjamin Thomben John, Buckley Joseph, Sova Milfred, Tisa Kautu, Karo Kauna, Eri, Levi na Kojo Ware.

Ol pilaia i stap autsait long Mosbi bai kam bung long kem wantaim ol arapela bipo ol i go.



KAM BEK: Eri em wanpela bilong ol Pukpuk husat ol i kisim i kam bek long PNG Sevens tim. Spit na ekspiriens bilong em long gem bai helpim gut tim. *WANTOK POTO.*

Garamuts sanap strong

PAPUA Niugini anda 19 kriket tim, ol Garamuts i lusim wanpela trening gem bilong ol agensim USA tasol dispela em i no wanpela samting long ol.

Ol i tok dispela em treninig gem tasol na tu ol i pilai long Christchurch long Nu Silan taim ples i bin kol tru.

Ples ol i pilai long en tu i liklik stret. PNG tu i no putim planti ol gutpela pilaia bilong ol i go aut long pilai bilong wanem ol i laik givim ol malolo.

Ol i pilai gut wantaim gutpela pilai long pait na tromoi bal na tu long was long fil.

Namel long ol lain i no pilai bilong PNG long dispela taim em tupela

namba wan bola bilong PNG we wanpela em John Boge Reva husat i bin kisim 7-pela wicket agensim USA long laspela taim ol i bin bung.

Charles Amini kisim ples bilong Reva na i kisim 4-pela wicket long 9-pela ova bilong em long dispela gem.

Jason Kila i kisim tupela wicket na Timothy Mou i kisim namba wan intanesenel wicket bilong em.

"Mipela i holim ol bal gut na i pilai strong tru na mi amamas long dispela," Het Kosa, Andy Bichel i tok.

"Pilai bilong ol mangi long paitim bal i gutpela tru na dispela i soim olsem save bilong mipela long pilai

wok long kam antap," em i tok.

Long bet, Lega Tau i kisim bikpela skoa wantaim 45 ran, Jason Kila i paitim 34 na Tony Ura i aut long 20.

Bichel i tok em i isi long pilim nogut bihain long yu lusim tupela gem bilong yu tasol ol mangi lainim planti samting na dispela i gutpela long ol.

"Ol i pilai agensim sampela ol bikpela kantri bilong kriket long dispela graun na ol i save lainim wanpela nupela samting olgeta de," em i tok.

Namba wan gem bilong ol bai kamap long Sarere, Jenuari 16 long Fitzherbert park long Palmerston North long Nu Silan.

SPOT RAUN

WANTAIM

Scott Vavine, ML



Lukluk long 2010 spots kalenda

NAMBA wan samting mi laik tok, em gutpela nu yia long yu na mi save olgeta manmeri wok long lukluk long wanem ol samting bai kamap long spots dispela yia long komyuniti bilong yu na tu long kantri.

Mi bin toktok na soim sampela rot long wanem samting yu ken mekim long kamapim spots kalenda bilong yu yet olsem na mi ting yu mas save pinis long dispela.

Dispela em bikpela samting, maski sapos yu gat bikpela o liklik komyuniti.

Sapos yu save ronim wanpela spots klap o asosiesen insait long dispela kain ol komyuniti bilong yu orait yu mas ridim dispela kolum nau.

Taim mi toktok long spots kalenda mi min olsem yu mas makim wanwan taim insait long dispela yia we yu laik kamapim ol spots pilai na bung bilong komyuniti bilong yu.

Spots kalenda bilong yu mas stat long Jenuari na pinis long Disemba.

Ol arapela komyuniti grup olsem ol sios na skul tu i gat kalenda bilong ol yet tu long ol wok, pilai na bung bilong ol.

Namba wan mun bilong dispela yia i mas bilong ol kibung o miting tasol.

Em i taim bilong makim ol nupela eksekutiv o ol komiti memba, kamapim astingting bilong wok long dispela yia, bungim ol klap husat bai stap insait long program dispela yia na tu makim ol registresen na levi fi bilong ol memba long baim.

Namba tu mun i mas go long ol pri-sisen pilai we ol klap na tim i ken redim ol yet bipo long sisen tru i stat.

Dispela em gutpela taim bilong ol tu long baim olgeta registresen na afiliesen bilong ol.

Olgeta pilaia, klab na tim i mas resistaim ol yet bipo ol i ken go insait long fil long pilai, dispela em bikpela samting.

Makim tu wanem taim kompetisen bilong yu bai pinis, dispela bai bihainim hamas tim i stap insait long resis.

Ronim wanpela spots resis pinis orait senisim na ronim narapela taim em i pinis, kalenda bilong yu noken karampim wanpela kain spot tasol insait long asosiesen bilong yu.

Dispela kain kalenda em gutpela bilong ol grasruts komyuniti.

Sapos yu pas long wanpela kain spot tasol bai em i kilim laik bilong ol manmeri long en.

Taim yu mekim gut kalenda bilong yu, em bai kisim yu i go inap long Disemba we yu ken go insait long amamasim krismas wantaim sampela ol arapela liklik pilai na bung tu.

Traim mekim na lukim, noken tingting nogut long yu yet, em i samting bilong traime na luk-save.

Gutpela laki ken stap wantaim yu na God i ken blesim yu tu long wok bilong yu dispela yia.



back to school
K500,000
cash rewards

helping you with "Back to School" expenses.

- Top up your bemoobile with K5 or more and you automatically go in the draw.
- The more you top up, the more chances you have to win!
- 1000 prizes of K500 each to be won.



Winners will be announced weekly in daily newspapers and via SMS. Promotion commences on January 11th and closes February 28th 2010.



phones from only K29

bemobile toktok moa



Hekari bai pait gen

bikpela salens kam long ol arapela tim

Andrew Molen i raitim

KLOSTU bai namba tu hap bilong Nesenel Soka Lig (NSL) i stat gen nau na wanpela tim husat i mas wok hat moa em Hekari United husat ol ino lusim dispela taitol yet.

Hekari holim dispela taitol tupela yia pinis tasol ol i gat bikpela salens nau wantaim ol arapela tim olsem

Easiloon University Inter FC, Gelle Hills na CMSS Tigers Rapatona.

Las yia ol i bin go long fainol tasol ino bin pilai bilong wanem bikepla ren i bin pundaun tasol nau ol i mas pilai strong gen long go in-sait long fainol.

Long wankain taim NSL i tokaut tu olsem stat long wik i kam bai ol pilaia i gat tok orait long senisim tim na i go i kam.

Dispela bai tok orait

bai ron inap tupela wik. Ol pilaia we i nogat klap i ken go painim narapela klap long pilai wantaim na ol klap tu i ken askim wanem ol pilaia ol i laikim long narapela klap long kam pilai wantaim ol. Sampela tim olsem Gelle Hills na Hekari save kisim ol pilaia bilong ovasis i kam pilai wantaim ol tasol ol arapela i yusim tasol ol pilaia bilong PNG yet. Ol pilai bai stat dispela Sarere.

Praivet kampani netbol wet tupela mun

PRAIVET kampani netbol resis bilong Mosbi wet tripela mun tasol ol pilai bilong ol i kamap nau.

Ol i statim ol trael gem bilong ol long Rita Flynn kot las wik Sande.

Toksave i go long olgeta tim long kamap long pilai wantaim olgeta yunifom na samting bilong pilai dispela wiken.

Pablik sevens netbol resis tu bai stat dispela Sarere.

Dispela tupela resis i save kamap long of sisen bilong Mosbi netbol resis tasol PNG gem long Mosbi long Novemba na Disemba las yia mekim na ol ino kamapim ol pilai bilong ol hariap.

Olbai pinis long Jun. Dispela em namba wan taim tu bilong ol pablik sevens long go bek pilai long hap bihain long ol i pasim ol las tupela yia.

Johnston's Pharmacies



For First Aid Kits, Red8 Body Bulk Protein Supplements, Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko. Phone 325 3185. Fax 325 0190. Email sales@johnstons.com.pg.